

BOSNA I HERCEGOVINA
TUŽILAŠTVO BOSNE I HERCEGOVINE
SARAJEVO

INFORMACIJA O RADU ZA 2010. GODINU

SADRŽAJ

1. UVOD.....	4
1.1. OSNOVNA OBILJEŽJA.....	4
1.2. UNUTRAŠNJA ORGANIZACIJA	5
1.3. KADROVSKA OSPOSOBLJENOST	7
1.3.1. OPĆE NAZNAKE	7
1.3.2. DOMAĆI KAPACITETI	8
1.3.3. PODRŠKA UREDA REGISTRARA	8
1.4. OZNAKE UPISNIKA.....	9
2. ODJELI TUŽILAŠTVA BOSNE I HERCEGOVINE	10
2.1. ODJEL I (POSEBNI ODJEL ZA RATNI ZLOČIN).....	10
2.1.1. ORGANIZACIJA POSEBNOG ODJELA ZA RATNE ZLOČINE	10
2.1.2. KADROVSKA STRUKTURA POSEBNOG ODJELA ZA RATNE ZLOČINE.....	12
2.1.3. DRŽAVNA STRATEGIJA ZA RAD NA PREDMETIMA RATNIH ZLOČINA.....	13
2.1.4. PREDMETI EKSHUMACIJA	13
2.1.5. SARADNJA SA TUŽILAŠTVOM MEĐUNARODNOG KRIVIČNOG SUDA ZA BIVŠU JUGOSLAVIJU (MKSJ)	14
2.1.6. KT-RZ-PREDMETI	16
2.1.7. KTA-RZ- PREDMETI.....	17
2.1.8. KTN-RZ PREDMETI.....	17
2.1.10. OSTALE AKTIVNOSTI TUŽILACA	18
2.1.11. MJERE OSIGURANJA PRISUSTVA OSUMNJIČENOG, ODNOSNO OPTUŽENOG, KOJE SU PRIMJENJIVANE U PREDMETIMA POSEBNOG ODJELA ZA RATNI ZLOČIN	19
2.1.13. IZAZOVI U RADU POSEBNOG ODJELA ZA RATNE ZLOČINE ZA BUDUĆI PERIOD.....	20
2.2. POSEBNI ODJEL ZA ORGANIZIRANI KRIMINAL, PRIVREDNI KRIMINAL I KORUPCIJU (Posebni odjel II)	21
2.2.1. STRUKTURA KRIVIČNIH DJELA U PREDMETIMA POSEBNOG ODJELA II	23
2.2.2. PROBLEMI U RADU POSEBNOG ODJELA II	26
2.3. ODJEL III.....	27
2.3.1. KADROVSKA STRUKTURA	27
2.3. 2. RASPODJELA PREDMETA.....	28
2.3.3. PREGLED MEĐUNARODNIH MULTILATERALNIH UGOVORA O PRAVNOJ POMOĆI KOJI OBAVEZUJU BOSNU I HERCEGOVINU	30
2.3.4. STRUKTURA KRIVIČNIH DJELA I BROJ PREDMETA, UKLJUČUJUĆI ZAPRIMLJENE PREDMETE, PREDMETE U RADU, KAO I OKONČANE PREDMETE	31
2.3.6. CJELOKUPNI RAD PO PREDMETIMA.....	38
2.3.7. OSTALE AKTIVNOSTI.....	38
2.3.8. PROBLEMI U RADU.....	38
3. DRUGI ASPEKTI DJELOVANJA	39
3.1. AKTIVNOSTI KABINETA GLAVNOG TUŽIOCA	40
3.2. AKTIVNOSTI NA RAZVIJANJU MEHANIZAMA SARADNJE SA AGENCIJAMA ZA PROVOĐENJE ZAKONA.....	40

3.3. AKTIVNOSTI KROZ RADNU GRUPU ZA BORBU PROTIV VISOKOTEHNOLOŠKOG (CYBER) KRIMINALA	42
3.4. AKTIVNOSTI KROZ UDARNE GRUPE	43
3.4.1. UDARNA GRUPA ZA BORBU PROTIV TERORIZMA I JAČANJA SPOSOBNOSTI ZA BORBU PROTIV TERORIZMA	43
3.4.2. UDARNA GRUPA ZA BORBU PROTIV TRGOVINE LJUDIMA I ORGANIZIRANE ILEGALNE IMIGRACIJE	44
3.5. AKTIVNOSTI KROZ EDUKACIJU	45
3.5.1. OBAVEZNA EDUKACIJA	45
3.5.2. OSTALA EDUKACIJA	46
3.6. AKTIVNOSTI U OBLASTI ODNOSA S JAVNOŠĆU	48
4. FINANSIJSKI IZVJEŠTAJ	49
5. UKUPAN RAD TUŽILAŠTVA BOSNE I HERCEGOVINE U PREDMETIMA U ODNOSU NA POZNATE POČINIOCE KRIVIČNIH DJELA	55
6. PRIJEDLOZI AKTIVNOSTI ZA EFIKASNIJI RAD U NAREDNOM PERIODU	61
6.1. UVOD	61
7. STANJE KRIMINALITETA U BOSNI I HERCEGOVINI	68

1. UVOD

1.1. OSNOVNA OBILJEŽJA

Tužilaštvo Bosne i Hercegovine je sui generis institucija, i u sklopu tužilačke organizacije Bosne i Hercegovine egzistira kao samostalna institucija koja nema ovlaštenja nad drugim tužilaštvima u Bosni i Hercegovini koja su organizirana u skladu sa postojećom političko-administrativnom organizacijom Bosne i Hercegovine. U odnosu na druga tužilaštva, tužioci Tužilaštva BiH mogu u konkretnim predmetima, koji su u nadležnosti Suda BiH, davati potrebne upute.

Tužilaštvo Bosne i Hercegovine, kao samostalan organ, svoj rad zasniva na načelu nezavisnosti u odnosu na sve sudionike u krivičnom postupku, kao i u odnosu na državne i sve druge organe javne vlasti i međunarodne organizacije, načelu jedinstvenosti djelovanja koje se ogleda u tome što svaka radnja bilo koje komponente, pri vršenju prava i dužnosti utvrđenih zakonom, predstavlja radnju tužilaštva, te načelu hijerarhije koje podrazumijeva odgovornost za rad svih uposlenika Tužilaštva Bosne i Hercegovine glavnom tužiocu.

Tužilaštvo Bosne i Hercegovine osnovano je Zakonom o Tužilaštvu Bosne i Hercegovine i istim Zakonom određeno kao poseban organ Bosne i Hercegovine osnovan u cilju efikasnog ostvarivanja nadležnosti države Bosne i Hercegovine, poštovanja ljudskih prava i zakonitosti na njenoj teritoriji, efikasnijeg suzbijanja kriminaliteta i jačanja načela vladavine prava. Odluku o proglašenju Zakona o Tužilaštvu Bosne i Hercegovine donio je Visoki predstavnik za Bosnu i Hercegovinu 06. augusta 2002. godine. Navedeni zakon usvojen je u Parlamentarnoj skupštini Bosne i Hercegovine i objavljen u „Službenom glasniku BiH“ br. 42/03. Tužilaštvo Bosne i Hercegovine otpočelo je sa radom 27. januara 2003. godine.

Zakonom o Tužilaštvu Bosne i Hercegovine (“Sl. glasnik BiH” br. 24/02, 3/03, 37/03, 42/03, 9/04, 35/04, 61/04, 97/09), pored organizacije i drugih osnovnih određenja kao samostalnog organa Bosne i Hercegovine, propisana je krivična nadležnost Tužilaštva Bosne i Hercegovine kako slijedi:

- sprovođenje istrage za krivična djela za koja je nadležan Sud Bosne i Hercegovine, te za gonjenje počinitelja pred Sudom Bosne i Hercegovine, u skladu sa Zakonom o krivičnom postupku Bosne i Hercegovine i drugim primjenjivim zakonima,
- primanje zahtjeva za međunarodnu pravnu pomoć u krivičnim stvarima, u skladu sa zakonima, multilateralnim i bilateralnim sporazumima i konvencijama, uključujući i zahtjeve za izručenje ili predaju traženih osoba od strane sudova ili organa na području Bosne i Hercegovine i drugih država, odnosno međunarodnih sudova ili Tribunala.

Od stupanja na snagu do 2010. godine, Zakon o Tužilaštvu BiH mijenjan je nekoliko puta. Posljednja izmjena ovoga zakona koja se dogodila neposredno prije ulaska u period obuhvaćen ovom informacijom, u značajnoj mjeri uticala je na način funkcionisanja Tužilaštva.

Naime, Odlukom visokog predstavnika, dana 14.12.2009. godine donesen je Zakon o izmjenama i dopunama Zakona o Tužilaštvu Bosne i Hercegovine, kojim je propisano da se u prijelaznom periodu

(31. decembar 2012. godine), međunarodni tužioci mogu imenovati u Tužilaštvo, kako bi radili na predmetima dodijeljenim Posebnom odjelu za ratne zločine, čime su međunarodni zamjenici glavnog tužioca prestali obavljati tu dužnost, a također i međunarodni tužioci u Posebnom odjelu za organizirani kriminal, privredni kriminal i korupciju.

1.2. UNUTRAŠNJA ORGANIZACIJA

Unutrašnja organizacija Tužilaštva definiše se Pravilnikom o unutrašnjoj organizaciji koji se donosi na osnovu Zakona o Tužilaštvu Bosne i Hercegovine, a shodno odredbama istog, donosi ga glavni tužilac uz odobrenje Kolegija tužilaca i Visokog sudskog i tužilačkog vijeća Bosne i Hercegovine. Osim same organizacije, ovim pravilnikom reguliše se i broj stručnog i administrativno-tehničkog osoblja i uslovi za obavljanje tih poslova.

Nakon dugotrajnih napora na iznalaženju adekvatnog rješenja organizacione strukture Tužilaštva kao specifične i kompleksne pravosudne institucije, te na određivanju adekvatnog broja i strukture stručnog i administrativno-tehničkog osoblja neophodnog za efikasno funkcionisanje Tužilaštva, dana 31. marta 2010. godine usvojen je novi Pravilnik o unutrašnjoj organizaciji Tužilaštva Bosne i Hercegovine koji je objavljen u „Službenom glasniku BiH“ broj: 31/10.

I u periodu obuhvaćenom ovom informacijom u Tužilaštvu Bosne i Hercegovine u organizacionom smislu egzistirala su tri tužilačka odjela (Posebni odjel za ratne zločine, Posebni odjel za organizirani kriminal, privredni kriminal i korupciju i Odjel III na čelu sa rukovodiocima odjela i Uprava Tužilaštva, kojom je pod nadzorom glavnog tužioca rukovodio sekretar Tužilaštva. Takođe je egzistirao Kolegij tužilaca.

Posebni odjel za ratne zločine bavi se procesuiranjem počilaca krivičnih djela protiv čovječnosti i vrijednosti zaštićenih međunarodnim pravom iz glave XVII Krivičnog zakona BiH i u organizacionom smislu svoj rad ostvaruje kroz funkcionisanje tužilačkih timova koji su ustanovljeni prema geografsko – regionalnoj strukturi BiH.


Posebni odjel za organizirani kriminal, privredni kriminal i korupciju bavi se procesuiranjem počilaca krivičnih djela organiziranog kriminala, privrednog kriminala i korupcije kao i krivičnih djela terorizma, u skladu sa Internim kriterijima za raspodjelu predmeta unutar odjeljenja Tužilaštva BiH.

Odjel III - bavi se procesuiranjem počilaca svih krivičnih djela iz nadležnosti Tužilaštva BiH koja nisu u nadležnosti Posebnih odjela TBiH, u skladu sa Internim kriterijima za raspodjelu predmeta unutar odjeljenja Tužilaštva BiH.

Kolegij tužilaca čine glavni tužilac, zamjenici glavnog tužioca i svi tužioci Tužilaštva. Nadležnosti istog propisane su Zakonom o Tužilaštvu BiH i Pravilnikom o unutrašnjoj organizaciji Tužilaštva Bosne i Hercegovine.

U upravi tužilaštva obavljaju se pravni, administrativno–tehnički, opći i materijalno-finansijski poslovi, IT poslovi, poslovi vezani za odnose s javnošću i drugi poslovi neophodni za zakonito, blagovremeno i

efikasno funkcionisanje Tužilaštva. U upravi tužilaštva obezbjeđuje se i posebna podrška radu tužilačkih odjela.



Slika 1. Organizaciona šema Tužilaštva BiH

Od donošenja novog Pravilnika o unutrašnjoj organizaciji u okviru Tužilaštva egzistira i Ured glavnog tužioca, koga čine glavni tužilac i njegovi zamjenici i svoju funkciju ostvaruju isključivo u slučajevima propisanim Zakonom o krivičnom postupku.

Značajne promjene u organizacionom smislu dogodile su se u okviru Uprave tužilaštva, gdje su oformljene nove organizacione jedinice kao što su Odjel za istrage i podršku svjedocima, dva odjela za pružanje posebne podrške tužilačkim odjelima i Kabinet glavnog tužioca. Značajnije aktivnosti koje se preduzimaju u Kabinetu glavnog tužioca bit će naznačene u odjeljku ove informacije pod nazivom „Drugi aspekti djelovanja“. Na ovom mjestu navode se osnovna obilježja Odjela za istrage i podršku svjedocima i odjela za posebnu podršku tužilačkim odjelima.

U Odjelu za istrage i podršku svjedocima obavljaju se poslovi i preduzimaju mjere na otkrivanju i istragama krivičnih djela iz nadležnosti Tužilaštva Bosne i Hercegovine. U okviru istraga na konkretnim predmetima u odjelu se vrši planiranje i usaglašavanje postupanja i rada na istrazi sa predmetnim tužiocem, odnosno stručnim saradnikom Tužilaštva BiH, koji radi po ovlaštenju tužioca i OSL policijskih i drugih agencija za provođenje zakona definisanih ZKP BiH.

Odjel dodatno obavlja i poslove tehničke, psihološke i druge vrste podrške svjedocima s ciljem da se obezbijedi efikasna saradnja sa svjedokom u istrazi i tokom krivičnog postupka, ostvaruje adekvatnu saradnju sa drugim agencijama koje vrše zaštitu svjedoka u istrazi, kako bi se svjedoku omogućilo slobodno i otvoreno svjedočenje u krivičnom postupku pred Sudom Bosne i Hercegovine.

Odjel ostvaruje potrebnu saradnju unutar Tužilaštva BiH, te sa drugim agencijama za provođenje zakona u BiH. Značajno je istaći da je kroz ovaj odjel obezbijedena podrška svjedocima u toku istrage, što u ranijem periodu nije bio slučaj, i ta podrška svjedocima je pružana samo u toku suđenja od strane Odjela za podršku svjedocima Suda BiH.

U odjelima uprave za podršku tužilačkim odjelima obavljaju se poslovi podrške koja se ne obezbjeđuje u drugim odjelima i organizacionim jedinicama uprave, i u istima je koncentrisano stručno osoblje koje rukovodiocima odjela i drugim tužiocima pruža pomoć isključivo u radu na krivičnim predmetima. Dobrim dijelom ti poslovi se odnose na pružanje pomoći pri izradi pravnih podnesaka, pripremanje nacрта pravnih akata, istraživanje raznih pravnih pitanja, analizu zakonskih propisa i prakse domaćih i međunarodnih sudova, izradu sažetaka predmeta i slično.

1.3. KADROVSKA OSPOSOBLJENOST

1.3.1. OPĆE NAZNAKE

Poslove Tužilaštva, u skladu sa Zakonom o Tužilaštvu Bosne i Hercegovine, obavljaju glavni tužilac, zamjenici glavnog tužioca, određeni broj tužilaca, sekretar i ostalo stručno i administrativno-tehničko osoblje. Broj tužilaca Tužilaštva BiH određuje Visoko sudsko i tužilačko vijeće, a broj ostalog administrativno-tehničkog osoblja određuje se Pravilnikom o unutrašnjoj organizaciji.

Tužilaštvo BiH u kadrovskom smislu ima i podršku Ureda registrara. Ured registrara za Odjel I i II Suda Bosne i Hercegovine i Posebne odjele Tužilaštva BiH (Posebni odjel za organizirani, privredni kriminal i korupciju i Posebni odjel za ratni zločin) uspostavljen je 2004. godine, međunarodnim Sporazumom zaključenim između Predsjedništva BiH i visokog predstavnika za BiH, u namjeri osiguranja administrativne i logističke podrške procesuiranju i suđenju počiniocima krivičnih djela kršenja međunarodnog humanitarnog prava, te krivičnih djela organiziranog, privrednog kriminala i korupcije, a u skladu sa navedenim Sporazumom upravljanja procesom odabira i angažovanja, kako međunarodnih sudija Suda Bosne i Hercegovine, tako i međunarodnih tužilaca, koji se imenuju u posebne odjele Tužilaštva BiH, te upošljavanja i finansiranja dodatnog domaćeg i međunarodnog osoblja za podršku rada Odjela I i II Suda Bosne i Hercegovine i Posebnih odjela Tužilaštva Bosne i Hercegovine (pravno i administrativno osoblje).

Ovaj sporazum zamijenjen je Međunarodnim sporazumom o Uredu registrara Odsjeka I za ratne zločine i Odsjeka II za organizirani kriminal, privredni kriminal i korupciju Krivičnog i Apelacionog odjela Suda Bosne i Hercegovine, kao i Posebnog odjela za ratne zločine, te Posebnog odjela za organizovani kriminal, privredni kriminal i korupciju Tužilaštva Bosne i Hercegovine kao i o uspostavi Tranzicijskog vijeća („Sl. glasnik BiH – Međunarodni ugovori“, br. 3/07). Troškovi Ureda registrara pokrivaju se iz donacija i dobrovoljnih priloga donatora.

Tužilaštvom Bosne i Hercegovine je u posmatranom periodu rukovodio Milorad Barašin, koji je na poziciju glavnog tužioca Tužilaštva BiH od strane Visokog sudskog i tužilačkog vijeća izabran dana 28.01.2009. godine, a na dužnost stupio dana 02.02.2009. godine.

U periodu obuhvaćenom ovom informacijom pošto su, shodno već navedenom Zakonu o izmjenama i dopunama Zakona o Tužilaštva BiH, međunarodni tužioci prestali obavljati funkcije zamjenika glavnog tužioca, Tužilaštvo je funkcionisalo ne više sa četiri, nego sa dva zamjenika glavnog tužioca koji su istovremeno obavljali i dužnosti rukovodilaca tužilačkih odjela i to Posebnog odjela za ratne zločine (Vesna Budimir) i Odjela III (Jadranka Lokmić Misirača). Posebnim odjelom za organizirani kriminal, pošto je tu dužnost prestao vršiti Drew Engel, do 15.03.2010. godine obavljao je zamjenik rukovodioca odjela, a od navedenog dana Božo Mihajlović, koji je na to mjesto imenovan Odlukom glavnog tužioca.

1.3.2. DOMAĆI KAPACITETI

U periodu koji je obuhvaćen ovom informacijom, u Tužilaštvo je od strane Visokog sudskog i tužilačkog vijeća imenovano 7 tužilaca od kojih su 2 imenovana na mjesta koja nisu bila popunjena od ranije, a predviđena su bila postojećom sistematizacijom, a 5 na pozicije za koje je zbog zamjene međunarodnih tužilaca državljanima Bosne i Hercegovine povećana sistematizacija i to Odlukom Visokog sudskog i tužilačkog vijeća BiH. Povećanje sistematizacije za 5 tužilaca i njihovo imenovanje rezultat je prestanka mandata za 5 međunarodnih tužilaca koji su bili raspoređeni u Posebni odjel za organizirani kriminal, privredni kriminal i korupciju i obaveza proisteklih iz Sporazuma o Uredu registrara i iz Zakona o izmjenama i dopunama Zakona o Tužilaštvu BiH iz decembra 2009. godine. Na kraju posmatranog vremenskog perioda, u Tužilaštvu su bila ukupno 34 domaća tužioca, uključujući glavnog tužioca i dva zamjenika.

U odnosu na ostalo stručno i administrativno-tehničko osoblje u toku 2010. godine otpočelo je sa radom novih 46 uposlenika, jedan broj uposlenika je prestao sa radom, tako da je na kraju posmatranog perioda bilo 149 uposlenika.

Ukupno uposlenih u Tužilaštvu Bosne i Hercegovine (tužioci, stručno i administrativno-tehničko osoblje), na kraju perioda obuhvaćenog ovom informacijom bilo je 183.

1.3.3. PODRŠKA UREDA REGISTRARA

Pored gore navedenih domaćih tužilaca, u Tužilaštvu se na pozicijama tužilaca na početku perioda obuhvaćenog ovom informacijom nalazio i 1 međunarodni tužilac kojeg je finansirao Ured registrara. Na kraju perioda obuhvaćenog ovom informacijom bila su 3 međunarodna tužioca, i to u Posebnom odjelu za ratne zločine.

Navedeni Ured finansirao je određeni broj osoblja koji se u toku godine mijenjao od 31 do 44 (domaće i međunarodno stručno i administrativno-tehničko osoblje), koje je pružalo podršku radu Posebnog odjela za ratne zločine i Posebnog odjela za organizirani kriminal, privredni kriminal i korupciju.

1.4. OZNAKE UPISNIKA

Radi lakšeg praćenja dalje sadržine ove Informacije navode se oznake upisnika koji se, prema važećim odredbama Pravilnika o unutarnjoj organizaciji i poslovanju Tužiteljstva BiH, vode u Tužilaštvu BiH i istima označavaju i predmeti koji se vode u tim upisnicima kako slijedi:

KT	krivični upisnik za fizičke i pravne osobe – poznati počinioci
KT-RZ	krivični upisnik za počinioce krivičnog djela ratnog zločina
KTN	krivični upisnik za nepoznate počinioce
KTN-RZ	krivični upisnik za nepoznate počinioce krivičnog djela ratnog zločina
KTM	krivični upisnik za maloljetne počinioce
KTZ	krivični upisnik za predmete međunarodne pravne pomoći i ekstradicije
KTA	upisnik raznih krivičnih predmeta
KTA-RZ	krivični upisnik raznih krivičnih predmeta ratnog zločina
A, A-RZ, A-P i P	upisnici za razne poslove

2. ODJELI TUŽILAŠTVA BOSNE I HERCEGOVINE

2.1. ODJEL I (POSEBNI ODJEL ZA RATNI ZLOČIN)

Posebni odjel za ratne zločine Tužilaštva BiH bavi se procesuiranjem počilaca krivičnih djela protiv čovječnosti i vrijednosti zaštićenih međunarodnim pravom iz glave XVII Krivičnog zakona Bosne i Hercegovine. Naime, navedeni odjel je započeo sa svojim radom 09.03.2005. godine, nakon što su usvojeni zakoni koji su bili nužni da bi se stekli uslovi da se predmeti Međunarodnog krivičnog suda za bivšu Jugoslaviju (MKSJ) mogu procesuirati pred domaćim pravosudnim organima, kao i da bi se mogla preuzeti uloga Jedinice pravila puta MKSJ, koja je do svog zatvaranja vršila pregled predmeta ratnih zločina.

2.1.1. ORGANIZACIJA POSEBNOG ODJELA ZA RATNE ZLOČINE

Posebni odjel za ratne zločine Tužilaštva BiH svoj rad u organizacionom smislu ostvaruje kroz funkcionisanje šest (6) tužilačkih timova koji su ustanovljeni prema geografsko-regionalnoj strukturi BiH.



Slika 2. Organizaciona šema Posebnog odjela za ratne zločine

Tužilački timovi u svom sastavu imaju po dva ili tri domaća tužioca, a u nekim timovima i međunarodnog tužioca, zatim stručne saradnike, koordinate predmeta, istražitelje i ostalo administrativno osoblje koje pruža pomoć tužiocima u radu. Pomoć tužiocima u radu pruža i jedan stručni savjetnik–pravnik.

Od 2010. godine u radu na predmetima za ratne zločine pomoć pruža i Odjel za istrage i podršku svjedocima Tužilaštva BiH, kojeg čini jedan savjetnik-istražitelj u svojstvu rukovodioca odjela i 8 stručnih saradnika-istražitelja, te jedan viši stručni saradnik i viši referent za podršku svjedocima. U ovom odjelu se obavljaju različiti poslovi u okviru istraga krivičnih djela iz nadležnosti ovog Tužilaštva. Istražitelji odjela preduzimaju radnje u skladu sa Zakonom o krivičnom postupku BiH koje im povjere postupajući tužioci, kao što su lociranje i saslušanje svjedoka, pretrage arhiva i dokumentacije različitih organa vlasti i privatnih pravnih osoba u cijeloj BiH, sudjeluju zajedno sa policijskim agencijama u procesnim aktivnostima na terenu (pretresi objekata i osoba, oduzimanje predmeta, saslušanje svjedoka i ispitivanje osumnjičenih), te koordiniraju sve ove aktivnosti sa različitim policijskim agencijama uključenim u istrage.

U protekloj godini istražitelji Odjela izvršili su pregled arhiva po 40–ak zahtjeva postupajućih tužilaca i to na raznim lokacijama. Neki od ovih pregleda izvršeni su i po zahtjevima za pravnu pomoć pravosudnim organima stranih država.

Navedeni odjel dodatno obavlja i poslove tehničke, psihološke i druge vrste podrške svjedocima s ciljem da se obezbijedi efikasna saradnja sa svjedocima u istrazi i tokom krivičnog postupka, te ostvaruje potrebna saradnja kako unutar Tužilaštva BiH, tako i sa drugim agencijama za provođenje zakona.

Takođe, značajnu podršku Posebnom odjelu za ratne zločine Tužilaštva BiH pruža i Odjel za informaciono-komunikacione tehnologije i obradu elektronskog dokaznog materijala, na čelu sa rukovodiocem odjela-stručnim savjetnikom, te 3 viša referenta za unos podataka i obradu elektronskog dokaznog materijala i 1 višim referentom AV tehničarom. Navedeni Odjel se, između ostalog, bavi unosom, ažuriranjem, održavanjem i pretraživanjem informacija u računarskim sistemima, prenosom informacija i podataka sa zapisa na papiru na automatizovane sisteme, održava mrežni i elektronski sistem arhiviranja dokaznog materijala i ostale dokumentacije za predmete ratnih zločina, prati sve potencijalne dokaze, slaže, indeksira i prati izdavanje materijala i dokaza, zatim unosi, ažurira, održava i pretražuje podatke u bazama za koordinaciju predmeta, te daje podršku suđenjima koja uključuje pomaganje u izvođenju dokaza na Sudu BiH, kao i digitalnih i kompjuteriziranih dokaza, pomoć u održavanju kompjuterske opreme i sistema.

Nadalje, Posebnom odjelu za ratne zločine značajnu pomoć pruža i 5 analitičara Tužilaštva BiH koji se bave analizom i istraživanjem ratnih zločina po nalogima tužilaca. Istraživanje podrazumijeva pronalaženje dokaza od kojih su većina dokumenti iz arhiva, institucija, baza podataka, biblioteka, medija, raznih drugih izvora, izjave svjedoka i drugi. Istraživanje se radi sa ciljem utvrđivanja činjenica o ličnostima i događajima iz ratnog perioda.

Zahtjevi i naredbe upućeni analitičarima su se najčešće odnosili na izradu analitičkih izvještaja u vezi određene vojne ili policijske strukture, komandnog lanca, kriznog štaba i počinjenih zločina (logori, masovna ubistva, itd.) na osnovu dokumenata pronađenih pretraživanjem EDS baze, sudske baze

MKSJ, internet stranica, spisa Tužilaštva, te presuda i transkripata MKSJ. U 2010. godini su pripremljena ukupno 52 analitička izvještaja koja variraju od kratkih izvještaja do opsežnih studija. Analitičari primaju i mnogo zahtjeva za pretraživanje EDS baze i sudske baze MKSJ u potrazi za dokumentima koji su potrebni tužiocima u fazi istrage.

Od 2009. godine uspostavljena je saradnja sa kantonalnim i okružnim tužiocima u vezi sa pretraživanjem EDS baze koju je Haški tribunal stavio na raspolaganje Tužilaštvu BiH (a kojoj kantonalna i okružna tužilaštva nemaju pristup) i dostavljanjem dokumenata o ratnim zločinima za potrebe njihovog rada, ali su u vezi sa tim u 2010. godini analitičari Tužilaštva BiH primili samo 1. zahtjev od jednog Kantonalnog tužilaštva.

2.1.2. KADROVSKA STRUKTURA POSEBNOG ODJELA ZA RATNE ZLOČINE

Dužnost rukovodioca Posebnog odjela za ratne zločine Tužilaštva BiH od mjeseca januara 2010. godine obavlja Vesna Budimir. Naime, navedena je imenovana za zamjenika glavnog tužioca u Tužilaštvu BiH odlukom Visokog sudskog i tužilačkog vijeća BiH od 25.06.2009. godine, a koja odluka je objavljena u „Službenom glasniku BiH“ br. 55/09 od 14.07.2009. godine, a potom odlukom glavnog tužioca Tužilaštva BiH broj A-918/09 od 30.12.2009. godine, imenovana za rukovodioca Posebnog odjela za ratne zločine.

U toku posmatranog perioda u Posebnom odjelu za ratne zločine Tužilaštva BiH radilo je 14 tužilaca kojima je podršku u radu, isključivo na krivičnim predmetima, pružalo osoblje sačinjeno od 1 stručnog savjetnika, 13 stručnih saradnika, 7 koordinatora predmeta, 5 analitičara i 14 daktilografa, a takođe i osoblje Odjela za istrage i podršku svjedocima i Odjela za informaciono-komunikacionu tehnologiju.

Također, u Posebnom odjelu za ratne zločine u različitim periodima tokom 2010. godine radio je jedan broj uposlenika koje je finansirao Ured registrara, a koji broj se znatno mijenjao tokom posmatranog perioda i to broj međunarodnog osoblja u rasponu od 4 do 11 i domaćeg osoblja u rasponu od 16 do 25 (koje domaće osoblje uključuje prevodioce, pravnog savjetnika, pravne saradnike, pripravnike, koordinate predmeta i daktilografe).

Odlukom visokog predstavnika dana 14.12.2009. godine donesen je Zakon o izmjenama i dopunama Zakona o Tužilaštvu BiH kojim je propisano da se u prelaznom periodu, dakle do 31.12.2012. godine, međunarodni tužiocima mogu imenovati samo kako bi radili na predmetima ratnih zločina i shodno tome planirano je da to budu 4 međunarodna tužioca. U toku 2010. godine u Posebnom odjelu za ratne zločine broj međunarodnih tužilaca kretao se od 1 na početku godine, do 3 tužioca na kraju godine.

2.1.3. DRŽAVNA STRATEGIJA ZA RAD NA PREDMETIMA RATNIH ZLOČINA

Tužilaštvo BiH je u toku 2010. godine uzelo učešće u radu Nadzornog organa za praćenje provođenja Državne strategije za rad na predmetima ratnih zločina.

Nadalje, ovo Tužilaštvo predvodilo je niz aktivnosti vezanih za uspostavljanje i ažuriranje baze podataka o predmetima ratnih zločina i u tom cilju koordiniralo aktivnosti za kantonalna i okružna tužilaštva, kao i tužilaštva Brčko Distrikta, a sve uz pomoć Visokog sudskog i tužilačkog vijeća BiH.

U posmatranom periodu tužioci Tužilaštva BiH izradili su Izvještaj o planu rješavanja predmeta ratnih zločina u skladu sa strategijom za manje složene predmete. U skladu sa tom analizom, pripremljeno je i upućeno 65 zahtjeva za prenošenje i vođenje postupka u skladu sa čl. 27a) KZ BiH, od kojih je 48 prihvaćeno. U 2010. godini provedene su aktivnosti na okončanju pregleda i ocjene predmeta koji su dostavljeni od strane kantonalnih i okružnih tužilaštava. Na osnovu upute Nadzornog organa izvršena je kategorizacija predmeta ratnih zločina u Tužilaštvu BiH koji se trebaju procesuirati u roku od 7 godina, odnosno 15 godina.

U periodu koji je obuhvaćen ovom informacijom Tužilaštvo BiH provodilo je aktivnosti na jačanju kapaciteta u procesuiranju ratnih zločina, te u vezi s tim od strane Visokog sudskog i tužilačkog vijeća imenovana su 2 domaća tužioca, povećan je broj stručnih saradnika, pripravnika, te je formiran i Odjel za istrage i podršku svjedocima.

2.1.4. PREDMETI EKSHUMACIJA

Nakon stupanja na snagu Zakona o krivičnom postupku Bosne i Hercegovine dana 01.03.2003. godine, entitetska tužilaštva tj. kantonalna i okružna tužilaštva, nastavila su po naredbama entitetskih sudova izvršavati naredbe za ekshumaciju u predmetima ratnih zločina.

Ova praksa je ustanovljena na osnovu Sarajevskog i poslije Banjalučkog sporazuma, po kojem su kantonalna i okružna tužilaštva često izlazila van mjesne nadležnosti, pa je tako Kantonalno tužilaštvo Sarajevo vršilo većinu ekshumacija na području Istočne Bosne, dok je Kantonalno tužilaštvo Tuzla vršilo ekshumacije na području općine Srebrenica, iako nisu mjesno nadležna za navedena područja. Istovremeno, zbog stupanja na snagu KZ-a BiH i ZKP-a BiH dovodi se u pitanje njihova stvarna nadležnost u izvršenju radnji ekshumacija.

Tužilaštvo Bosne i Hercegovine je zajedno sa novoosnovanim Institutom za nestale osobe Bosne i Hercegovine i Međunarodnom komisijom za nestale osobe prepoznalo ovaj problem tokom 2008. godine. Na sastanku održanom dana 28.10.2008. godine u organizaciji Tužilaštva Bosne i Hercegovine, na kojem su bili prisutni glavni tužilac Tužilaštva BiH, glavni tužilac Tužilaštva FBIH, glavni tužilac Tužilaštva RS-a, glavni tužilac Tužilaštva Brčko Distrikta BiH, te predstavnici Instituta za nestale osobe Bosne i Hercegovine i Međunarodne komisije za traženje nestalih osoba, postignut je dogovor da u narednom periodu Tužilaštvo Bosne i Hercegovine zaprima sve informacije vezane za nestale osobe, a gdje se ukaže potreba za izvršenje ekshumacije da upućuje Sudu Bosne i Hercegovine zahtjeve za izdavanje naredbi za ekshumaciju.

Ipak, Sud Bosne i Hercegovine je u međuvremenu određivao samo mjesno nadležna entitetska tužilaštva za izvršenje ekshumacija. Entitetska tužilaštva su po završetku ekshumacija zapisnike o ekshumaciji, obdukciji, DNK-a analize, te sve druge pribavljene dokaze dostavljali Tužilaštvu Bosne i Hercegovine.

U periodu 2009-2010. godina, po zahtjevima Tužilaštva BiH, Sud Bosne i Hercegovine izdao je veliki broj naredbi za ekshumacije i reekshumacije. Naime, tokom posmatranog perioda u radu je bilo 214 KTA-RZ, od čega je 150 KTA-RZ predmeta zaprimljeno, dok je 64 KTA-RZ- predmeta ostalo u radu iz prethodnih godina. 76 predmeta je iskazano završenim tokom 2010. godine. Navedeni predmeti uključuju zahtjeve za ekshumaciju po kojima su izdavane naredbe Suda Bosne i Hercegovine za ekshumaciju, ali i određene informacije udruženja građana i fizičkih osoba koje nisu do sada dovedene do faze kada se može uputiti potpun prijedlog za izdavanje naredbi za ekshumaciju.

Najveći broj predmeta koji su iskazani kao završeni su iz prethodnih godina. Naime, samo izdavanje naredbe za ekshumaciju ne oduzima mnogo vremena, ali dostavljanje rezultata o izvršenoj ekshumaciji u pravilu traje više od godinu dana zbog kompleksnih vještačenja koje je potrebno provesti.

U drugom dijelu 2010. godine rad na ekshumacijama je usporen zbog niza problema u vezi sa stvarnom i mjesnom nadležnošću na relaciji Sud BiH, Tužilaštvo BiH i entitetska tužilaštva.

Glavni tužilac Tužilaštva BiH u posmatranom periodu donio je odluku da se počev od 01.01.2011. godine svi zahtjevi i svi predmeti ekshumacije i reekshumacije rješavaju u Tužilaštvu BiH i preko Suda BiH. Na ovaj način bit će konačno ispoštovane odredbe Zakona o krivičnom postupku BiH o stvarnoj i mjesnoj nadležnosti za postupanje u predmetima ekshumacija osoba stradalih posljedicama krivičnih djela ratnih zločina.

U Tužilaštvu BiH preduzete su odgovarajuće mjere na pripremi svih tehničkih i logističkih uslova radi realizacije budućih zahtjeva za ekshumacije. Akutni problem - pomanjkanje prostora, reflektuje se i na ovu sferu aktivnosti Tužilaštva, s obzirom da se može očekivati povećanje materijalne dokumentacije i dokaza nastalih izvršenjem ovih naredbi, a u budućem periodu će se pohranjivati u spisima i arhivi Tužilaštva.

2.1.5. SARADNJA SA TUŽILAŠTVOM MEĐUNARODNOG KRIVIČNOG SUDA ZA BIVŠU JUGOSLAVIJU (MKSJ)

Saradnja Tužilaštva BiH sa Međunarodnim krivičnim sudom za bivšu Jugoslaviju (MKSJ) je veoma značajna i tokom proteklih godina odvijala se kroz razne oblike i na raznim nivoima.

Posebni odjel za ratne zločine u posmatranom periodu uputio je MKSJ-u na desetine zahtjeva za pomoć. Ovi zahtjevi odnosili su se na pretrage povjerljivih baza Tužilaštva MKSJ-a, ovjere dokaznog materijala, prikupljanje informacija o svjedocima, pripreme i praćenje postupka za izmjenu mjera za svjedoke koji su odlukama pretresnih i žalbenih vijeća MKSJ-a dobili zaštitu.

U okviru saradnje Tužilaštva BiH sa Tužilaštvom MKSJ organizirane su posjete tužilačkih timova i rukovodstva Posebnog odjela za ratne zločine Haag-u, a pružana je i pomoć pri pretragama i izradi zahtjeva za međunarodnu pravnu pomoć za kantonalna, okružna i Tužilaštvo Brčko Distrikta u BiH.

U sklopu široke inicijative izgradnje kapaciteta na kojoj radi MKSJ sa ODIHR-om i UNICRI-om, MKSJ namjerava da izradi ključne transkripte svojih postupaka na bosanskom/hrvatskom/srpskom jeziku. Predstavnici pravosudnih institucija u regionu bi trebalo da odrede koji su to transkripti, s obzirom da imaju izvanrednu vrijednost za domaće istrage i suđenja.

S obzirom da su službeni jezici MKSJ-a francuski i engleski, transkripti u MKSJ-u se sačinjavaju samo na tim jezicima zbog čega ne postoji djelotvoran metod za domaće istražitelje i tužioce u regionu bivše Jugoslavije da pregledaju dokaze koje su prezentirali svjedoci na svom jeziku. Izradom transkripata na bosanskom/hrvatskom/srpskom jeziku, MKSJ nastoji osigurati da stalna evidencija o postupcima na jednom od lokalnih jezika regiona bude sačuvana kao dio službene arhive.

Na ovaj način će biti moguće da se izrade transkripti sjednica zatvorenih za javnost, kao i povjerljivih iskaza. Transkripti će također unaprijediti dostupnost postupaka MKSJ-a za žrtve, studente, istraživače i druge u regionu. Bez transkripata na lokalnim jezicima teško je članovima zajednica u regionu iščitavati sadržaje sa suđenja. Realizacija projekta započeta je u 2010. godini i trajat će u zavisnosti od raspoloživih sredstava.

Sa namjerom daljeg jačanja tužilačkih kapaciteta i aktivnosti u bivšoj Jugoslaviji, Ured tužioca MKSJ-a pokrenuo je program edukacije, uključujući program posjete državnih tužilaca i program posjete mladih stručnjaka.

Glavni cilj programa posjete državnih tužilaca je jačanje kapaciteta državnih tužilaca za rad na kompleksnim predmetima ratnih zločina koji su proistekli iz sukoba u bivšoj Jugoslaviji kroz upoznavanje sa načinom rada timova MKSJ-a. Ova obuka obuhvata korištenje elektronskih baza podataka i procedura koje se moraju poštovati da bi se pristupilo povjerljivim materijalima u skladu sa Pravilima postupka i dokaza MKSJ-a. Krajem juna 2009. godine, tri kandidata iz regije (jedan iz Hrvatske, jedan iz Srbije i jedan iz Bosne i Hercegovine) počeli su raditi kao službenici za vezu u Haag-u, zajedno sa uposlenicima Ureda tužioca, što im je omogućilo da vrše istraživanje i da se konsultiraju sa uposlenicima u Uredu tužioca o predmetima u kojima se vode istrage i koji se procesuiraju u njihovim državama.

Oni su također kontakt osobe za njihova državna tužilaštva. To će im biti prilika da upoznaju metodologiju pretraživanja i pregledanja velike količine materijala, koju primjenjuju analitičari Ureda tužioca.

Cilj programa posjete mladih stručnjaka je unapređenje edukacije i obuke mladih pravnih stručnjaka iz bivše Jugoslavije i stvaranje mogućnosti za rad na složenim predmetima ratnih zločina, što će dovesti do jačanja budućih kapaciteta u zemljama bivše Jugoslavije, kako bi efektivno radili na složenim predmetima ratnih zločina.

Mladi pravni stručnjaci će dobiti priliku da pomažu Uredu tužioca u radu na predmetima, uključujući rad sa dokazima i drugim pravnim pitanjima, pohađanje predavanja i prezentacije o raznim temama vezanim za rad Ureda tužioca i MKSJ-a općenito.

Oba programa su nastavljena i u 2010. godini, kada je u Haag upućen novi mladi stručnjak koji je kontakt osoba za Tužilaštvo Bosne i Hercegovine, odnosno Posebni odjel za ratne zločine.

2.1.6. KT-RZ-PREDMETI

U Posebnom odjelu za ratne zločine Tužilaštva BiH, tokom 2010. godine, u radu je bilo 365 KT-RZ predmeta protiv 1165 osoba, a od tog broja tokom 2010. godine zaprimljeno je 87 predmeta protiv 322 osobe.

Tužioci navedenog Odjela, u 2010. godini, donijeli su 72 naredbe o sprovođenju istrage protiv 154 osobe. U 13 predmeta protiv 33 osobe donesene su naredbe o nesprovođenju istrage, a u 16 predmeta protiv 48 osoba donesene su naredbe o obustavi istrage.


U 2010. godini tužioci Posebnog odjela za ratne zločine nakon sprovedenih istraga protiv 45 osoba, podigli su 29 optužnica.

Tužioci ovog odjela su u 5 predmeta u odnosu na 5 osoba sklopili sporazume o priznanju krivnje sa optuženim, koje sporazume je Sud BiH prihvatio, te izrekao osuđujuće presude.

Posebni odjel za ratne zločine je tokom 2010. godine za krivično djelo Genocid iz člana 171. KZ BiH optužio 8 osoba, za krivično djelo Zločini protiv čovječnosti iz čl. 172. KZBiH ukupno 15 osoba, za krivično djelo Ratni zločin protiv civilnog stanovništva iz člana 173. KZ BiH ukupno 18 osoba, za krivično djelo Ratni zločin protiv ratnih zarobljenika iz člana 175. KZ BiH 1 osobu.

Rješavajući po optužnicama ovog Odjela, tokom 2010. godine, Sud BiH je nakon provedenog postupka u 15 predmeta protiv 23 osobe donio prvostepene presude, te 17 osoba osudio na kaznu zatvora u ukupnom trajanju od 268 godina, dok je za 6 osoba donio oslobađajuću presudu. Tužioci ovog Odjela su u 8 predmeta u odnosu na 14 osoba uložili žalbe, te je tokom posmatranog perioda, obuhvatajući žalbe iz prethodnih godina, 4 žalbe u odnosu na 6 osoba Sud BiH uvažio, dok je 6 žalbi u odnosu na 9 osoba odbio.

Nadalje, Sud BiH je u 14 predmeta u odnosu na 20 osoba donio drugostepene presude, od kojih je 13 osoba osuđeno na kaznu zatvora u trajanju od 131 godinu, dok je u odnosu na 7 osoba donio oslobađajuću presudu.



Slika 3. Pregled procesnih odluka u Posebnom odjelu za ratne zločine u 2010. godini

2.1.7. KTA-RZ- PREDMETI


Tužiocima Posebnog odjela tokom 2010. godine imali su u radu 1.338 KTA-RZ predmeta, od kojih je 1018 predmeta kao neriješeno preneseno iz prethodnih godina, dok je 2010. godine zaprimljeno 320 predmeta, a riješeno je 118 predmeta.

2.1.8. KTN-RZ PREDMETI

Tužiocima Posebnog odjela za ratne zločine su u 2010. godini u radu imali 253 KTN-RZ predmeta, od kojih su prenesena kao neriješena 234 predmeta iz ranijih godina, a u 2010. godini je ukupno zaprimljeno 19 KTN-RZ predmeta, a riješeno je 10 predmeta.

2.1.9. A-RZ-PREDMETI

Posebni odjel za ratne zločine je u toku 2010. godine zaprimio 192 A-RZ predmeta, te je na kraju posmatranog perioda ukupno riješeno 70 A-RZ predmeta.



Slika 4. Pregled KTA-RZ, KTN-RZ i A-RZ predmeta u 2010. godini

2.1.10. OSTALE AKTIVNOSTI TUŽILACA

Optužnice, žalbe, naredbe o sprovođenju istrage, naredbe o obustavi istrage, naredbe o nesprovođenju istrage, te okončani KTA-RZ i KTN-RZ predmeti, nisu jedini rezultati rada tužilaca Posebnog odjela za ratne zločine Tužilaštva BiH.

Naime, tužioci Posebnog odjela za ratne zločine su postupajući po naredbama za sprovođenje istrage tokom 2010. godine, u svojstvu svjedoka saslušali 945 osoba, Državnoj agenciji za istrage i zaštitu podnijeli veliki broj naredbi za preduzimanje istražnih radnji, izdali Državnoj agenciji za istrage i zaštitu više naredbi za lišenje slobode osoba osumnjičenih za krivična djela ratnog zločina.

Pred Sudom Bosne i Hercegovine, u postupcima vođenim po optužnicama Posebnog odjela za ratne zločine, održano je u 2010. godini 728 glavnih pretresa.

Ovi podaci takođe ukazuju da je veliki broj zakazanih ročišta pred Sudom BiH, s obzirom na kompleksnost i obimnost predmeta ratnih zločina, te takođe da, zbog zauzetosti sudija i sudnica, suđenja u gotovo svakom predmetu traju dugo, u prosjeku od po godinu i godinu i po dana.

Takođe, tokom posmatranog perioda tužioci navedenog Odjela prisustvovali su obaveznim edukacijama u trajanju od 4 radna dana, a neki od njih i u edukacijama u organizaciji raznih domaćih i međunarodnih nevladinih organizacija i državnih institucija.

2.1.11. MJERE OSIGURANJA PRISUSTVA OSUMNJIČENOG, ODNOSNO OPTUŽENOG, KOJE SU PRIMJENJIVANE U PREDMETIMA POSEBNOG ODJELA ZA RATNI ZLOČIN

U toku posmatranog perioda Sud BiH je po prijedlozima tužilaca Posebnog odjela za ratne zločine odredio pritvor u 14 predmeta prema 18 osoba.

Nadalje, Sud BiH se u 8 predmeta u odnosu prema 10 osoba opredijelio za izricanje blaže mjere za osiguranje prisustva osumnjičenog/optuženog propisane članom 126. ZKP BiH i to: zabrana napuštanja mjesta boravišta, oduzimanje putnih isprava, zabrana sastajanja s određenim osobama, te uz obavezno javljanje u nadležnu policijsku stanicu. U jednom predmetu Sud BiH izrekao je na već izrečene mjere zabrane ublažene mjere zabrane.

2.1.12. UČEŠĆE DELEGACIJE TUŽILAŠTVA BiH NA 4. REGIONALNOJ KONFERENCIJI TUŽILACA

Delegacija Tužilaštva BiH, sa glavnim tužiocem Miloradom Barašinom na čelu, u maju mjesecu 2010. godine sudjelovala je na 4. Regionalnoj konferenciji tužilaca na Brionima u R. Hrvatskoj, a koja konferencija se odnosila na pitanja u vezi krivičnog procesuiranja predmeta ratnih zločina u pravosudnim institucijama zemalja regiona i Međunarodnom krivičnom sudu za bivšu Jugoslaviju (MKSJ) u Den Haag-u, te regionalnu saradnju tužilaštava u ovoj oblasti.

Na 4. Regionalnoj konferenciji tužilaca na Brionima pored glavnog tužioca, takođe su sudjelovali i rukovoditeljica Posebnog odjela za ratne zločine Tužilaštva BiH, te tužilac Tužilaštva BiH sa stručnim osobljem Tužilaštva BiH, kao i predstavnici entitetskih tužilaštava u BiH, Javnog tužilaštva Brčko Distrikta, te predstavnici državnih tužilaštava Republike Hrvatske, Bosne i Hercegovine, Republike Srbije, Republike Crne Gore, kao i tužilac pri MKSJ-u sa saradnicima, te predstavnici diplomatskog kora u Republici Hrvatskoj. Predsjednik Republike Hrvatske, Ivo Josipović, otvorio je 4. Regionalnu konferenciju.

Sudionici konferencije razgovarali su o saradnji državnih tužilaštava zemalja regiona u procesu identifikacije osoba osumnjičenih i optuženih za ratne zločine, zatim o postojećim bazama podataka o predmetima ratnih zločina koje su uspostavljene u pravosuđima pojedinih zemalja, kao i evaluaciji i ocjeni projekta uspostave regionalnih tužilaca, koji kao kontaktne tačke, djeluju pri MKSJ. Jedna od tema konferencije odnosila se i na rad Međunarodne asocijacije tužilaca i pružanje podrške regionalnoj saradnji u procesuiranju krivičnih djela ratnih zločina.

Glavni tužilac Tužilaštva BiH, Milorad Barašin, i rukovoditeljica Posebnog odjela za ratne zločine Tužilaštva BiH, imali su izlaganje koje se odnosi na komandnu odgovornost i procesuiranje predmeta

ratnih zločina. Također, predstavnici Tužilaštva BiH sudjelovali su u prezentaciji koja se odnosila na zajednički projekat Evropske unije i MKSJ za tužioce za vezu i mlade pravne stručnjake.

2.1.13. IZAZOVI U RADU POSEBNOG ODJELA ZA RATNE ZLOČINE ZA BUDUĆI PERIOD

Značajno i najviše korišteno dokazno sredstvo u predmetima ratnih zločina jesu svjedoci, čija uloga ponekad je od presudnog značaja za uspješno okončanje predmeta, te s tim u vezi potrebno je osigurati da svjedoci svoje iskaze daju u atmosferi u kojoj će svoje iskaze davati slobodno bez straha od prijjetnji ili pritisaka koji mogu ugroziti njihov ili život njima bliskih osoba.

Primjetno je da se svjedoci sve više odlučuju da ne daju izjave, te da postoji zamorenost svjedoka zbog davanja više puta izjava kako u fazi istrage pred Tužilaštvom BiH, tako i na suđenjima pred Sudom BiH. Značajan problem tokom provođenja postupka predstavljaju loše zdravstveno stanje, godine starosti svjedoka, a naročito smrt ključnih ili jedinih preživjelih svjedoka za predmete ratnih zločina, što sve utiče i na dalji tok postupka. Kao čest problem se pojavljuje i nemogućnost pronalaženja svjedoka, a koji su od velikog značaja za Tužilaštvo i okončanje istrage.

Za bolje procesuiranje ratnih zločina potrebno je uspostaviti funkcionalniju regionalnu saradnju u vidu mehanizma razmjene dokaza, uspostavljanje zajedničkih tužilačkih timova. U toku posmatranog perioda počeli su intenzivni pregovori između Tužilaštva BiH, Ureda državnog odvjetništva Republike Hrvatske i Tužilaštva Republike Srbije u vezi sa pronalaženjem prihvatljivih instrumenata regionalne saradnje u predmetima ratnih zločina.

Dalji izazovi u sprovođenju državne strategije za Tužilaštvo BiH predstavljaju aktivnosti na poboljšanju koordinacije kantonalnih tužilaštava, okružnih tužilaštava i tužilaštva Brčko Distrikta BiH u radu na predmetima ratnih zločina, priprema analiza koliko realno predmeta po državnoj strategiji može biti procesuirano u skladu sa rokovima iz strategije, imajući u vidu stručne, administrativne i tehničke kapacitete.

2.2. POSEBNI ODJEL ZA ORGANIZIRANI KRIMINAL, PRIVREDNI KRIMINAL I KORUPCIJU (Posebni odjel II)

Posebni odjel za organizirani kriminal, privredni kriminal i korupciju (Posebni odjel II) uspostavljen je formiranjem Tužilaštva Bosne i Hercegovine (Tužilaštvo BiH) u 2003. godini odlukom visokog predstavnika za Bosnu i Hercegovinu, kada su odjel sačinjavali isključivo međunarodni tužioci, ovlašteni u skladu sa tadašnjim izmjenama i dopunama Zakona o Tužilaštvu BiH.

U nadležnost Posebnog odjela II spada procesuiranje počinitelja krivičnih djela iz oblasti organiziranog kriminala, privrednog kriminala i korupcije, u skladu sa zakonima Bosne i Hercegovine. Ovdje spadaju krivična djela korupcije koja se odnose na uposlenike u institucijama Bosne i Hercegovine, krivična djela privrednog i finansijskog kriminala, uključujući krivična djela porezne utaje, krijumčarenja, carinskih prevara i pranja novca, te krivična djela organiziranog kriminala uključujući ali i ne ograničavajući se na djela međunarodne trgovine drogama, trgovine ljudima i slična krivična djela propisana Krivičnim zakonom Bosne i Hercegovine.

Nakon Odluke visokog predstavnika u BiH, od 14.12.2009. godine, kojom je okončan mandat međunarodnim tužiocima u Posebnom odjelu za organizirani kriminal, privredni kriminal i korupciju, tokom 2010. godine u Posebnom odjelu II rade isključivo domaći tužioci, uz prisustvo jednog bivšeg međunarodnog tužioca, i to u svojstvu međunarodnog pravnog savjetnika.

Ispunjavajući ciljeve postavljene pred Tužilaštvo BiH, tokom 2010. godine, u Posebnom odjelu II je radilo ukupno deset domaćih tužilaca, raspoređenih u deset tužilačkih timova.

Tužiocima u radu na predmetima stručnu i administrativnu pomoć pruža ostalo osoblje koje čine 2 stručna savjetnika, 10 stručnih saradnika-pravnika, 2 istražitelja, 1 međunarodni istražitelj, 1 međunarodni savjetnik, 5 koordinatora predmeta (od kojih se 2 finansiraju isključivo od strane Ureda registrara), 6 daktilografa i 4 pripravnika.

Stručni saradnici-pravnici pružaju pravne usluge tužiocima, u zavisnosti od tima u koji su raspoređeni, i to na način da vrše analizu pravnih propisa, pišu sažetke predmeta, prijedloge i podneske sudu, pripremaju nacрте optužnica, zahtjeva, prijedloga, asistiraju u organiziranju predmeta za suđenje, dok zajedno sa istražiteljima, po ovlaštenju tužioca ispituju osumnjičene, saslušavaju svjedoke, prisustvuju glavnim pretresima i suđenjima, te obavljaju druge zadatke po nalogu tužioca, sve u svojstvu ovlaštenih službenih osoba kako je to predviđeno u članu 20. stav 1. tačka g) Zakona o krivičnom postupku Bosne i Hercegovine.

Radi što efikasnijeg sprovođenja istraga, u Posebnom odjelu II rad je zasnovan na principu formiranja tužilačkih timova koji se sastoje od jednog ili više tužilaca, stručnih saradnika i istražitelja kao i drugog, administrativnog osoblja. Tužilački timovi, u okviru istraga koje provode, ostvaruju blisku saradnju sa odgovarajućim timovima različitih agencija za provođenje zakona u ovisnosti od vrste predmeta na kojima se radi.

U predmetima u kojima tokom istrage dođe do lišavanja slobode većeg broja osoba (grupe za organizirani kriminal u skladu sa članom 1. stav 20 Krivičnog zakona BiH), više tužilačkih timova zajednički rade na takvom predmetu sa ciljem efikasnog, blagovremenog i zakonitog okončanja istrage.



Slika 5 . Organizaciona šema Posebnog odjela za organizirani kriminal, privredni kriminal i korupciju

U periodu obuhvaćenom ovom informacijom, funkciju rukovodioca Posebnog odjela II, po prvi put nakon osnivanja Odjela, vršio je domaći tužilac i cjelokupni rad odjela zasnovan je isključivo na domaćim kapacitetima.

U toku 2009. godine, Posebni odjel II je sve do 01.07.2009. godine u svom radu primjenjivao Interne kriterije za raspodjelu predmeta od 20.07.2007. godine (Interni kriteriji) kao kriterije za raspodjelu predmeta unutar odjela Tužilaštva BiH broj A-293/07. Od 01.07.2009. godine u radu Posebnog odjela II primjenjuju se izmijenjeni Kriteriji za raspodjelu predmeta između odjela Tužilaštva BiH broj A-518/09 od 30.06.2009. godine. Prema tim kriterijima Posebnom odjelu II raspodjeljuju se:

1. Svi predmeti organiziranog kriminala, organiziranog privrednog kriminala iz nadležnosti Tužilaštva BiH
2. Predmeti za krivična djela terorizma iz člana 201. KZ BiH i krivična djela finansiranja terorističkih aktivnosti iz člana 202 KZ BiH
3. Predmeti za krivična djela trgovine ljudima iz člana 186. KZ BiH i krijumčarenje ljudi iz člana 189. KZ BiH, kada se radi o 10 ili više krijumčarenih osoba odnosno žrtava trgovine ili koji uključuju izuzetno otežavajuće ili posebne okolnosti
4. Predmeti za krivična djela protiv privrede i jedinstva tržišta, te krivična djela iz oblasti carina i glave XVIII čija vrijednost prelazi iznos od 1.000.000,00 KM
5. Predmeti za krivična djela povrede autorskih prava iz glave XXI čija vrijednost prelazi iznos od 1.000.000,00 KM

6. Krivična djela u vezi korupcije visokih dužnosnika Bosne i Hercegovine i odgovornih osoba s najvišim funkcijama u privrednim društvima i drugim pravnim osobama
7. Drugi predmeti u vezi sa ostalim krivičnim djelima, a naročito predmeti krivičnih djela protiv privrede i platnog prometa i krivičnih djela počinjenih od strane službene ili ovlaštene osobe kada je krivično gonjenje od posebne važnosti za Bosnu i Hercegovinu, zbog okolnosti ili načina na koje je djelo izvršeno, o čemu će odlučiti glavni tužilac u dogovoru sa rukovodiocem Posebnog odjela za organizirani kriminal, privredni kriminal i korupciju.

Nadalje, u toku 2010. godine, Posebni odjel II je radio po Internom pravilniku Posebnog odjela II A-249/08 od 12.05.2008. godine, koji je izmijenjen i dopunjen 18.03.2009. godine. Internim pravilnikom regulisan je interni rad odjela.

2.2.1. STRUKTURA KRIVIČNIH DJELA U PREDMETIMA POSEBNOG ODJELA II

Rad Posebnog odjela II usmjeren je na predmete koji zadovoljavaju usvojene interne kriterije, odnosno na ozbiljnije i kompleksnije predmete organiziranog kriminala, privrednog kriminala i korupcije.

I dalje se najveći broj predmeta po kojima postupaju tužioci Posebnog odjela II odnosi na predmete koje Tužilaštvu BiH prosljeđuju agencije za provođenje zakona u BiH, ali postoji i određeni broj predmeta koji su ustupljeni na nadležnost od strane drugih tužilaštava iz Republike Srpske, Federacije BiH i Brčko Distrikta, kao i predmeti koji su oformljeni na osnovu usmenih ili pismenih prijava građana.

U 2010. godini u Posebnom odjelu II donesene su nove 44 naredbe o sprovođenju istrage protiv ukupno 273 osobe. Nadalje, doneseno je 11 naredbi o nesprovođenju istrage protiv 40 osoba, dok je u 22 predmeta donesena naredba o obustavi istrage protiv 82 osobe.

Podignute su 32 optužnice protiv 134 osobe, od čega je Sud Bosne i Hercegovine (Sud BiH) potvrdio 29 optužnica protiv 128 osoba.

Od ukupnog broja predmeta na kojima je rađeno u 2010. godini u Posebnom odjelu II, Sud BiH izrekao je ukupno 41 presudu protiv 106 osoba.

Zatvorske kazne izrečene su u 27 predmeta u odnosu na 67 osoba, uslovne kazne izrečene su u 7 predmeta u odnosu na 15 osoba, dok je novčana kazna izrečena u svega 2 predmeta u odnosu na 4 osobe. Donesene su 2 oslobađajuće presude u odnosu na 5 osoba, te 3 odbijajuće u odnosu na 15 osoba.


U odnosu na sve donesene presude tužioci Posebnog odjela II uložili su žalbe u ukupno 14 predmeta u odnosu na 27 osoba, od kojeg broja su uvažene 3 žalbe u odnosu na 7 osoba, a 8 žalbi u odnosu na 9 osoba je odbijeno. Ostale uložene žalbe nisu riješene u toku posmatranog perioda.

U toku posmatranog perioda u predmetima Posebnog odjela II, izrečene su kazne zatvora u ukupnom trajanju od 193 godine i 10 mjeseci, novčane kazne, kao glavne ili sporedne u ukupnom iznosu od 203.000,00 KM, te je oduzeto različitih oblika imovinske koristi u ukupnoj vrijednosti od 1.379.595,88 KM i 49.975,00 Eura.

Zaključeni su sporazumi o priznanju krivnje sa ukupno 54 osobe, dok je Sud Bosne i Hercegovine u toku posmatranog perioda prihvatio sporazume u odnosu na 49 osoba.

Posebni odjel je započeo posmatrati period sa ukupno 82 neriješena izvještaja protiv 368 osoba, dok je u toku posmatranog perioda zaduženo 87 novih predmeta protiv 687 osoba. Posmatrani period je okončan s ukupno 104 neriješena izvještaja protiv 711 osoba.


U odnosu na prethodnu godinu, u 2010. godini zabilježen je određeni porast po pojedinim pokazateljima rada, pa su tako u odnosu na 89 osoba optuženih u toku 2009. godine, u posmatranom periodu podignute 32 optužnice protiv ukupno 134 osobe. Također, u odnosu na 29 presuda protiv 81 osobe u toku 2009. godine, u posmatranom periodu, postupajući po optužnicama Posebnog odjela II Sud BiH je izrekao 41 presudu protiv ukupno 106 osoba.



Slika 6. Pregled procesnih odluka u Posebnom odjelu za organizirani kriminal, privredni kriminal i korupciju u 2010. godini

Također je primjetan porast zaključenih sporazuma, pa su tako u 2010. godini zaključeni sporazumi o priznanju krivnje sa ukupno 54 optužene osobe u odnosu na 27 osoba iz 2009. godine. U odnosu na ostale vrste predmeta, Posebni odjel II je u toku 2010. godine prenio iz ranijih godina ukupno 332 KTA predmeta, te zadužio 177 novih KTA predmeta, te je tako radio na ukupno 509 KTA predmeta, od kojih je 126 riješeno u toku posmatranog perioda.

Pored navedenog, Posebni odjel II je u toku 2010. godine radio na ukupno 16 KTN predmeta, od čega 6 novozaduženih, od kojeg broja su riješena ukupno 3 predmeta, te na ukupno 19 KTZ predmeta u odnosu na 24 osobe, od čega je riješeno 10 KTZ predmeta u odnosu na 10 osoba.



Slika 7. Pregled KTA, KTZ, KTN predmeta u Posebnom odjelu za organizirani kriminal, privredni kriminal i korupciju u 2010. godini

STRUKTURA KRIVIČNIH DJELA ZA KOJA SU PODIGNUTE 32 OPTUŽNICE PROTIV 134 OSOBE

KRIVIČNO DJELO PROPISANO KRIVIČNIM ZAKONOM BOSNE I HERCEGOVINE	BROJ PODIGNUTIH OPTUŽNICA
	predmeti/osobe
Krijumčarenje ljudi, član 189.	2/3
Neovlašteni promet oružjem i vojnom opremom te proizvodima dvojne upotrebe, član 193.	1/1
Neovlašteni promet opojnim drogama, član 195.	5/11
Terorizam, član 201.	1/6
Krivotvorenje novca, član 205.	2/4
Pranje novca, član 209.	1/6
Krijumčarenje, član 214.	3/3
Carinska prijevara, član 216.	1/1
Zloupotreba položaja ili ovlaštenja, član 220.	2/9
Lažno prijavljivanje, član 234.	1/1
Udruživanje radi činjenja krivičnih djela u vezi sa krivičnim djelom Neovlašteni promet oružjem i vojnom opremom te proizvodima dvojne upotrebe, član 249. u vezi sa članom 193.	1/4
Udruživanje radi činjenja krivičnih djela u vezi sa krivičnim djelom Krivotvorenje novca, član 249. u vezi sa članom 205.	1/3
Organizirani kriminal u vezi sa krivičnim djelom Krijumčarenje ljudi, član 250. u vezi sa članom 189.	3/33
Organizirani kriminal u vezi sa krivičnim djelom Neovlašteni promet oružjem i vojnom opremom te proizvodima dvojne upotrebe, član 250. u vezi sa članom 193.	1/1
Organizirani kriminal u vezi sa krivičnim djelom Neovlašteni promet opojnim drogama, član 250. u vezi sa članom 195.	7/48

2.2.2. PROBLEMI U RADU POSEBNOG ODJELA II

Problemi Posebnog odjela II uočeni u toku 2010. godine, a koji dobrim dijelom potiču i iz ranijeg perioda, ogledaju se u slijedećem:

1. nedostatak kancelarijskog prostora koji se direktno odražava na produktivnost osoblja;
2. neadekvatnost postojećih kancelarijskih prostorija, pogotovo sa aspekta veličine istih i činjenice da u odjelu postoji ukupno 9 kancelarija u kojima je smješteno i do 6 osoba u jednoj kancelariji;
3. nedovoljan i neadekvatan prostor za čuvanje aktivnih spisa, kao i arhiviranje završenih spisa, te pohranjivanje privremeno oduzetih predmeta i drugog dokaznog materijala;
4. nedovoljni ljudski resursi, dugotrajna procedura odabira novih kandidata, te nemogućnost blagovremenog obezbjeđenja adekvatne zamjene za osoblje, najčešće u slučajevima kada stručni saradnici bivaju imenovani za nosioce pravosudnih funkcija.

2.3. ODJEL III

Unutrašnjom reorganizacijom Tužilaštva BiH od 09.03.2005. godine uspostavljen je Odjel III.

2.3.1. KADROVSKA STRUKTURA

U svojoj organizacionoj strukturi i načinu ostvarivanja osnovne funkcije, Odjel III Tužilaštva BiH je i u 2010. godini zadržao dosadašnju strukturu i formu u radu, što znači da u ovom odjelu ne postoje formirani timovi, s tim da se po potrebi zakazuju kolegiji tužilaca gdje tužioci međusobno ostvaruju saradnju, na način da razmjenjuju mišljenja i iskustva u radu, te zajednički prevazilaze probleme sa kojima su suočeni u radu po zaduženim predmetima.

Tokom 2010. godine, kadrovska struktura ovog odjela je u odnosu na 2009. godinu promijenjena u značajnom dijelu. Naime, u ovom odjelu su u 2010. godini primljena dva nova tužioca, od kojih je jedan preraspoređen iz Posebnog odjela II i koji je u 2010. godini bio član VSTV-a BiH, a samim tim i često angažovan na poslovima u radu tog vijeća. Prije prijema dva nova tužioca, predmeti u Odjelu III su 2010. godine kao i 2009. godine, raspoređivani u rad na šest tužilaca (od kojih jedan tužilac zbog bolovanja u drugoj polovini 2010. godine nije bio angažovan u radu na predmetima) i jednog od zamjenika glavnog tužioca, koji je ujedno obavljao i dužnost rukovodioca Odjela III.

Povećanje broja tužilaca se pozitivno odrazilo na broj tužilačkih odluka donesenih tokom 2010. godine, a o čemu će biti govora u nastavku teksta. Broj stručnih savjetnika koji su pomoć u radu pružali svim tužiocima je u odnosu na proteklu godinu u cjelosti ostao nepromijenjen, tj. stručnu pomoć u KT predmetima iz privrede i jedinstva tržišta, te oblasti carina tužiocima je pružao jedan stručni savjetnik ekonomske struke, kao i jedan stručni savjetnik pravnik (koji zbog zdravstvenih problema u 2010. godini nije bio angažovan u radu na predmetima).

Nadalje, podršku u radu tužiocima Odjela III je u posmatranom periodu pružilo i deset stručnih saradnika, s tim da su do kraja septembra 2010. godine jednog stručnog saradnika u svom radu dijelila dva tužioca, dok je zamjenik glavnog tužioca i rukovodilac Odjela III u tom periodu bio bez stručnog saradnika, da bi se to stanje promijenilo sa danom 01.10.2010. godine, prijemom četiri nova stručna saradnika (od kojih je jedan primljen na određeno vrijeme), te danom 30.12.2010. godine, prijemom još dva nova stručna saradnika, čime je broju tužilaca prilagođen broj stručnih saradnika. I pored povećanja broja tužilaca, broj daktilografa u ovom odjelu ostao je nepromijenjen u odnosu na 2009. godinu, tj. tužioci Odjela III su prema unaprijed postignutom dogovoru, u svom radu dijelili šest daktilografa.

Tokom posmatranog perioda Odjel III je imao dva pripravnika i jednog volontera.



Slika 8. Organizaciona šema Odjela III

2.3. 2. RASPODJELA PREDMETA

Novousvojene izmjene Internih kriterija za raspodjelu predmeta između odjela od 30.06.2009. godine, statistički gledano, prouzrokovale su znatan priliv predmeta iz Posebnog odjela za organizirani kriminal, privredni kriminal i korupciju u Odjel III Tužilaštva BiH, s obzirom da su povećale imovinski cenzus u predmetima krivičnih djela protiv privrede i jedinstva tržišta, krivičnih djela iz oblasti carina i krivičnih djela povrede autorskih prava, koji su prema ranije uspostavljenim internim kriterijima za raspodjelu predmeta od 20.07.2007. godine, inače raspoređivani u rad Posebnom odjelu II.

Pored navedenog, povećanje broja krijumčarenih osoba, te osoba - žrtava trgovine ljudima u svim predmetima u odnosu na krivično djelo krijumčarenje ljudi iz člana 189. KZ-a BiH i krivično djelo trgovine ljudima iz člana 186. KZ-a BiH, jednim dijelom doprinijelo je takođe dodatnom prilivu predmeta ove vrste u Odjelu III, a što se u krajnjem odrazilo i na ukupan broj predmeta u radu ovog odjela. Pomenutim internim kriterijima od 20.07.2007. godine i izmjenom istih, u nadležnost Odjela III Tužilaštva BiH određeni su slijedeći predmeti:

1. Predmeti svih krivičnih djela iz nadležnosti Tužilaštva BiH osim:

- krivičnih djela iz djelokruga rada Posebnog odjela za ratne zločine u smislu člana II Internih kriterija za raspodjelu predmeta od 20.07.2007. godine,
- krivičnih djela iz djelokruga rada Posebnog odjela za organizirani kriminal, privredni kriminal i korupciju u smislu novousvojenih izmjena Internih kriterija od 30.06.2009. godine,

2. Predmeti po krivičnim djelima "korupcije" koja počine službene osobe i odgovorne osobe, a koje nisu visoki dužnosnici niti odgovorne osobe s najvišim funkcijama u privrednom društvu ili drugim pravnim osobama u smislu tačke 3. člana III ovih kriterija,
3. Predmeti u vezi zahtjeva za izručenje, molbi za pružanje pravne pomoći i pitanja iz oblasti međunarodne pravne pomoći i saradnje i
4. Predmeti koji se odnose na sukob nadležnosti i saradnju sa drugim tužilaštvima, sudovima, organima i organizacijama.

U cilju pojašnjenja naprijed navedenog, neophodno je istaći da Odjel III u skladu sa pomenutim kriterijima, izuzimajući predmete ratnih zločina radi na svim predmetima iz nadležnosti Tužilaštva BiH, uključujući i neke predmete organiziranog kriminala koje glavni tužilac svojom odlukom signira u rad tužiocima ovog odjela, osim predmeta u vezi sa krivičnim djelom terorizma iz člana 201. KZ-a BiH i krivičnim djelom finansiranja terorističkih aktivnosti iz člana 202. KZ-a BiH, te drugih predmeta u vezi sa ostalim krivičnim djelima iz nadležnosti Tužilaštva BiH, među kojim naročito predmeti krivičnih djela upravljenih protiv privrede, platnog prometa i/ili krivična djela počinjena od strane službene ili ovlaštene osobe, uvijek kada je krivično gonjenje u tim predmetima, zbog okolnosti ili načina na koji je djelo izvršeno, od posebne važnosti za Bosnu i Hercegovinu i kada to odluči glavni tužilac u dogovoru sa rukovodiocem Posebnog odjela za organizirani kriminal, privredni kriminal i korupciju.

Nadalje, imovinski cenzus odlučan za raspodjelu predmeta u rad Odjelu III, izmjenama internih kriterija je povećan sa ranijih 100.000,00 KM na 1.000.000,00 KM u odnosu na krivična djela iz glave XVIII KZ-a BiH, tj. krivična djela protiv privrede i jedinstva tržišta, te krivična djela iz oblasti carina, a što je najbolji pokazatelj priliva predmeta u ovom odjelu.

Pored navedenog, pomenute izmjene Internih kriterija takođe su pomakle granicu ranije određenog imovinskog cenzusa i kada su u pitanju krivična djela povrede autorskih prava iz glave XXI KZ-a BiH, budući da su prije ovih izmjena Odjelu III usmjeravani u rad predmeti navedenih krivičnih djela, pod uslovom da imovinska vrijednost pribavljena izvršenjem istih, nije izlazila iz okvira novčanog iznosa od 100.000,00 KM, da bi nakon usvojenih izmjena, imovinski cenzus kada su u pitanju ova krivična djela, bio povećan na 1.000.000,00 KM.

Novousvojeni princip raspodjele predmeta od 30.06.2009. godine, odredio je u nadležnost Odjela III i predmete trgovine ljudima iz člana 186. KZ BiH i krijumčarenje ljudi iz člana 189. KZ-a BiH, uvijek kada je u iste involvirano manje od deset žrtava trgovine ljudima ili krijumčarenih osoba, isključujući s tim u vezi predmete nastale kao posljedica izvršenja krivičnih djela pod izuzetno otežavajućim ili posebnim okolnostima.

Posmatrajući ove izmjene internih kriterija s osvrtom na one koji su prije bili na snazi, evidentno je da je povećanje broja žrtava trgovine ljudima i krijumčarenih osoba u navedenim predmetima nužna posljedica dodatnog priliva predmeta u Odjel III, uzimajući pri tom u obzir da su prema internim kriterijima od 20.07.2007. godine Odjelu III u rad raspoređivani ovi predmeti, samo kada je u iste bilo uključeno manje od pet krijumčarenih osoba ili žrtava trgovine ljudima. Vrlo je bitno naglasiti postupanje Odjela III po predmetima naprijed naznačenim pod red. brojem 3., odnosno, predmetima koji se tiču pružanja međunarodne pravne pomoći i izvršenja međunarodnih ugovora u

krivičnopravnim stvarima, odnosno, predmetima izručenja osumnjičenih, optuženih i osuđenih osoba (KTZ predmeti).

Naime, ovdje se radi o vrlo značajnim predmetima koji predviđaju provođenje postupka ekstradicije, preuzimanje krivičnog gonjenja od strane države, preuzimanje izvršenja krivičnih sankcija izrečenih u drugim državama od strane Bosne i Hercegovine, te pružanje pravne pomoći u smislu provođenja istražnih radnji (prikupljanja dokaza, saslušanja svjedoka i sl.).

U ovim predmetima postupa se u skladu sa konvencijama koje je ratifikovala Bosna i Hercegovina, te u skladu sa međunarodnim bilateralnim, odnosno multilateralnim sporazumima koje je Bosna i Hercegovina potpisala sa drugim državama, usljed čega je pružanje pravne pomoći i stvarna obaveza za Bosnu i Hercegovinu.

2.3.3. PREGLED MEĐUNARODNIH MULTILATERALNIH UGOVORA O PRAVNOJ POMOĆI KOJI OBAVEZUJU BOSNU I HERCEGOVINU

- Evropska konvencija o međusobnom pružanju pravne pomoći u krivičnim stvarima, Strazbur 20.04.1959.g.,
- Evropska konvencija o ekstradiciji, Pariz, 13.12.1957.g.,
- Dodatni protokol uz Evropsku konvenciju o ekstradiciji, Strazbur 15.10.1975.g.,
- Drugi dodatni protokol uz Evropsku konvenciju o ekstradiciji, Strazbur 17.03.1978.g.,
- Evropska konvencija o prenosu postupka u krivičnim stvarima, Strazbur, 15.03.1972.g.,
- Evropska konvencija o transferu osuđenih osoba, Strazbur, 21.03.1983.g.,
- Evropska konvencija o obavještenju o stranom pravu, London, 07.06.1968.g.
- Dodatni protokol Evropskoj konvenciji o uzajamnoj pomoći u krivičnim stvarima, Strazbur, 17.03.1978. g.
- Konvencija o centru za provođenje zakona u Jugoistočnoj Evropi, Bukurešt 26.05.1999. godine

Osim navedenih konvencija, Bosna i Hercegovina je notifikacijom o sukcesiji preuzela veliki broj međunarodnih bilateralnih ugovora o pravnoj pomoći.

Od posebne važnosti za Bosnu i Hercegovinu je ratifikacija Ugovora o autorskom pravu Svjetske organizacije za intelektualno vlasništvo usvojenog na Diplomatskoj konferenciji dana, 20.01.1996. godine, s obzirom da je u Bosni i Hercegovini iz godine u godinu evidentan porast krivičnih djela povrede autorskih prava, a zbog čega je i ove, kao i tokom prošle godine, u cilju bolje edukacije tužilaca na ovom polju organiziran višednevni seminar.

2.3.4. STRUKTURA KRIVIČNIH DJELA I BROJ PREDMETA, UKLJUČUJUĆI ZAPRIMLJENE PREDMETE, PREDMETE U RADU, KAO I OKONČANE PREDMETE

2.3.4 1. KT PREDMETI

Odjel III je u 2010. godini imao u radu ukupno 895 KT predmeta protiv 1.470 osoba, od kojih je 475 predmeta u odnosu na 821 prijavljenu osobu preneseno iz ranijih godina, dok je 420 predmeta u odnosu na 649 osoba zaprimljeno tokom posmatranog perioda.

Radi shvatanja opterećenja Odjela III, važno je napomenuti da je od ukupnog priliva KT predmeta u 2010. godini, ovaj odjel imao u radu 82,68% predmeta sa ovom oznakom i slijedećom strukturom krivičnih djela: 160 KT predmeta prema 181 osobi za krivično djelo krivotvorenje novca iz člana 205 KZ-a BiH, 1 KT predmet prema 3 osobe za krivično djelo organizirani kriminal iz člana 250. KZ-a BiH u vezi sa krivičnim djelom krivotvorenje novca iz člana 205 KZ-a BiH, 14 KT predmeta prema 25 osoba za krivično djelo krijumčarenje ljudi iz člana 189. KZ-a BiH, 23 KT predmeta prema 34 osobe za krivično djelo krijumčarenje iz člana 214. KZ-a BiH, 1 KT predmet prema 2 osobe za krivično djelo udruživanje radi činjenja krivičnih djela iz člana 249. KZ-a BiH u vezi sa krivičnim djelom krijumčarenja iz člana 214. KZ-a BiH, 51 KT predmet prema 65 osoba za krivično djelo nedozvoljeno korištenje autorskih prava iz člana 243. KZ-a BiH, 15 KT predmeta prema 36 osoba za krivično djelo zloupotreba položaja ili ovlaštenja iz člana 220. KZ-a BiH, 8 KT predmeta prema 15 osoba za krivično djelo neovlašteni promet opojnim drogama iz člana 195. KZ-a BiH, 2 KT predmeta prema 9 osoba za krivično djelo organizirani kriminal iz člana 250. KZ-a BiH u vezi sa krivičnim djelom neovlašteni promet opojnim drogama iz člana 195. KZ-a BiH, 3 KT predmeta prema 7 osoba za krivično djelo trgovina ljudima iz člana 186. KZ-a BiH, 1 KT predmet prema 3 osobe za krivično djelo primanje dara i drugih oblika koristi iz člana 217. KZ-a BiH, 8 KT predmeta prema 8 osoba za krivično djelo davanje dara i drugih oblika koristi iz člana 218. KZ-a BiH, 1 KT predmet prema 2 osobe za krivično djelo otkrivanje identiteta zaštićenog svjedoka iz člana 240. KZ-a BiH, 3 KT predmeta prema 4 osobe za krivično djelo ometanje rada pravosuđa iz člana 241. KZ-a BiH, 3 KT predmeta prema 9 osoba za krivično djelo nesavjestan rad u službi iz člana 224. KZ-a BiH, 28 KT predmeta prema 38 osoba za krivično djelo iz člana 149. Zakona o industrijskom vlasništvu BiH, 2 KT predmeta prema 2 osobe za krivično djelo davanje lažnog iskaza iz člana 235. KZ-a BiH, 8 KT predmeta prema 11 osoba za krivično djelo iz člana 27. Zakona o ravnopravnosti spolova u BiH, 1 KT predmet prema 1 osobi za krivično djelo povreda ravnopravnosti čovjeka i građanina iz člana 145. KZ-a BiH, 1 KT predmet prema 2 osobe za krivično djelo odavanje tajnih podataka iz člana 164. KZ-a BiH, 2 KT predmeta prema 4 osobe za krivično djelo pronevjera u službi iz člana 221. KZ-a BiH, 1 KT predmet prema 2 osobe za krivično djelo neovlašten promet oružjem i vojnom opremom iz člana 193. KZ-a BiH, 2 KT predmeta prema 2 osobe za krivično djelo lažno prijavljivanje iz člana 234. KZ-a BiH, 1 KT predmet prema 1 osobi za krivično djelo ugrožavanja osoba pod međunarodnom pravnom zaštitom iz člana 192. KZ-a BiH, 1 KT predmet prema 13 osoba za krivično djelo organizirani kriminal iz člana 250. KZ-a BiH u vezi sa krivičnim djelom organiziranje grupe ljudi ili udruženja za krijumčarenje ili rasturanje neocarinjene robe iz člana 215. KZ-a BiH, 1 KT predmet prema 1 osobi za krivično djelo prijevera u službi iz člana 222. KZ-a BiH, 1 KT predmet prema 1 osobi za krivično djelo povreda slobode opredjeljenja birača iz člana 151. KZ-a BiH, te određen broj KT predmeta protiv više osoba za krivična djela kažnjiva po KZ-u FBiH i KZ-u RS-a.

Neophodno je istaći da se u okviru cjelokupnog broja KT predmeta zaprimljenih u ovom odjelu u 2010. godini, ukupno 65 predmeta prema 122 osobe, odnosilo na predmete finansijske prirode a među kojima: 44 KT predmeta prema 80 osoba na krivično djelo porezne utaje iz člana 210. KZ-a BiH, 15 KT predmeta prema 28 osoba na krivično djelo carinske prijevare iz člana 216. KZ-a BiH, 4 KT predmeta prema 10 osoba na krivično djelo neplaćanje poreza iz člana 211. KZ-a BiH i 2 predmeta prema 4 osobe na krivično djelo pranje novca iz člana 209. KZ-a BiH, u kojima istrage često traju duži vremenski period i koje nije moguće završiti u zakonskom šestomjesečnom roku zbog brojnih problema sa kojima se tužioci ovog odjela u radu tih predmeta nerijetko susreću, a među kojima naročito nedostatak vještaka adekvatne stručne spreme.

Nadalje, činjenica da provođenje neophodnih vještačenja kada su u pitanju pojedina krivična djela u predmetima privrednog kriminala, zbog njihove složenosti, obično traje duži vremenski period, što nužno za posljedicu ima probijanje navedenog šestomjesečnog roka zakonom određenog za okončanje istrage.

Osim navedenog, s obzirom da je među prijavljenim osobama-počiniocima navedene vrste krivičnih djela, veliki broj državljana NR Kine, veliki problem u radu takođe predstavljaju i nedostatak prevodioca kineskog jezika, a često i nedostupnost tih stranih državljana ovom Tužilaštvu, koji u velikom broju slučajeva nakon učinjenja nekog od naprijed navedenih krivičnih djela, u cilju izbjegavanja krivične odgovornosti, napuštaju teritoriju Bosne i Hercegovine uništavajući prethodno svu dokumentaciju o poslovanju, a time i dokaze neophodne za dokumentovanje prijavljenog krivičnog djela.

Od ukupnog broja KT predmeta, tužioci ovog odjela su tokom 2010. godine u skladu sa zakonom zasnovanim pravima i obavezama, u smislu člana 216. stav 1. i 2. ZKP-a BiH, donijeli 277 naredbi o sprovođenju istrage protiv 411 osoba, tj. istraga je u odnosu na 2009. godinu otvoreno manje 11,8% u odnosu na predmete i 12,2% manje u odnosu na osobe, ali je istovremeno u odnosu na 2009. godinu, na osnovu odredbi člana 216. st. 3. ZKP-a BiH u 2010. godini doneseno 7,8% više naredbi o nesprovođenju istrage u odnosu na predmete i 26,2% više u odnosu na osobe, tj. tužioci ovog odjela su u 2010. godini u 248 predmeta donijeli naredbu o nesprovođenju istrage prema 361 osobi.

Navedena brojka potvrđuje činjenicu da je iz godine u godinu evidentan porast zaprimljenih krivičnih prijavi, odnosno izvještaja o počinjenom krivičnom djelu i počiniocu, podnesenih samo na osnovu indicija bez prethodno provjerenih činjenica, na rješavanje kojih se, uz popratna obavještenja propisana stavom 4. člana 216. ZKP-a BiH, gubi dosta vremena.

Pored povećanog broja donesenih naredbi o nesprovođenju istrage, tužioci Odjela III su u posmatranom periodu u skladu sa odredbama člana 224. stav 1. ZKP-a BiH, u odnosu na 2009. godinu, takođe donijeli 10,1% naredbi o obustavi istrage više u odnosu na predmete i 67,9% više u odnosu na osobe, odnosno, naredbe o obustavi istrage sa svim popratnim obavještenjima propisanim članom 242. stav 2. ZKP-a BiH donesene su u 87 predmeta prema 178 osoba.

U posmatranom periodu, na drugi način, tj. ustupanjem je riješeno ukupno 60 KT predmeta prema 98 osoba. Naprijed navedene naredbe o sprovođenju istrage rezultirale su podizanjem 193 optužnice u KT predmetima protiv 244 osobe, sa slijedećom strukturom krivičnih djela:

Red. br.	Naziv krivičnog djela	Broj podignutih optužnica prema predmetima	Broj podignutih optužnica prema osobama
1.	Krivotvorenje novca čl. 205 KZ-a BiH	63	81
2.	Nedozvoljeno korištenje autorskih prava čl. 243 KZ-a BiH	46	52
3.	Krijumčarenje ljudi čl. 189 KZ-a BiH	15	23
4.	Porezna utaja ili prevara čl. 210 KZ-a BiH	13	15
5.	Zakona o industrijskom vlasništvu čl. 149	11	11
6.	Krijumčarenje čl. 214 KZ-a BiH	11	14
7.	Neovlašteni promet opojnim drogama čl. 195 KZ-a BiH	7	14
8.	Neplaćanje poreza čl. 211 KZ-a BiH	4	5
9.	Carinska prijevara čl. 216 KZ-a BiH	4	6
10.	Davanje dara i drugih oblika koristi čl. 218 KZ-a BiH	4	5
11.	Zloupotreba položaja ili ovlaštenja čl. 220 KZ-a BiH	4	5
12.	Trgovina ljudima čl. 186 KZ-a BiH	3	4
13.	Ugrožavanje osoba pod međunarodnopravnom zaštitom čl. 192 KZ-a BiH	2	2
14.	Primanje dara i drugih oblika koristi čl. 217 KZ-a BiH	2	3
15.	Pranje novca čl. 209 KZ-a BiH	2	2
16.	Povreda slobode opredjeljenja birača čl. 151 KZ-a BiH	1	1
17.	Ometanje rada pravosuđa čl. 241 KZ-a BiH	1	1

Zaključno sa 31.12.2010. godine, Sud Bosne i Hercegovine je potvrdio 191 optužnicu prema 242 osobe. U okviru podignutih optužnica, 49 optužnica u odnosu na 52 osobe je bilo sa predloženim krivičnim nalogom.

Tokom posmatranog perioda, tužioci Odjela III su u 98 predmeta zaključili sporazum o priznanju krivnje sa 130 osoba, koji je tokom posmatranog perioda prihvaćen u 87 predmeta prema 116 osoba. Podizanje optužnica tokom 2010. godine rezultiralo je izricanjem 173 presude u odnosu na 221 osobu, od kojih 168 osuđujućih prema 225 osoba i to: u 24 predmeta prema 45 osoba izrečena je zatvorska kazna u ukupnom trajanju od 67 godina, 44 mjeseca i 13 dana, pri čemu su se pojedinačno izrečene zatvorske kazne kretale u rasponu od 3 mjeseca do 4 godine i šest mjeseci, zatim, u 18 predmeta prema 20 osoba izrečena je novčana kazna, i to kao glavna kazna glasila je na ukupan novčani iznos od 73.550,00 KM, a kao sporedna kazna, na ukupan novčani iznos od 39.550,00 KM.


Uslovna osuda je izrečena u 130 predmeta prema 160 osoba.

U posmatranom periodu oduzeta je imovinska korist pribavljena izvršenjem krivičnih djela u ukupnom novčanom iznosu od 1.534.822,09 KM i 32.000,00 Eura.

Tokom 2010. godine Sud BiH je donio 3 oslobađajuće presude u odnosu na 13 osoba, te 2 odbijajuće presude prema 3 osobe.

Nezadovoljni donesenim odlukama Suda BiH, tužioci ovog odjela uložili su 11 žalbi (u odnosu na 30 osoba), od kojih je 1 uvažena (prema 7 osoba), 6 je odbijeno (prema 7 osoba), a u preostalim izjavljenim žalbama do kraja posmatranog perioda nije donesena sudska odluka.

U narednu izvještajnu godinu preneseno je ukupno 314 KT predmeta prema 601 osobi.



Slika 9. Pregled procesnih odluka u Odjelu III u 2010. godini

2.3.4.2. KTA PREDMETI

U periodu od 01.01. do 31.12.2010. godine Odjel III je imao u radu ukupno 1.019 KTA predmeta, od kojih je 585 predmeta preneseno iz ranijih godina, dok su u posmatranoj godini zaprimljena 434 predmeta. Tužiocima Odjela III su u 2010. godini završili ukupno 673 KTA predmeta, tako da je u radu ostalo 346 neriješenih predmeta te vrste.

Radi upoređivanja broja zaduženih KTA predmeta, neophodno je istaći da je Odjel III od ukupnog priliva KTA predmeta u 2010. godini, imao u radu 70,92% predmeta. I pored činjenice da je u 2010. godini nastavljen veliki priliv KTA predmeta u Odjel III, broj okončanih KTA predmeta u ovom odjelu je u 2010. godini, u odnosu na proteklu godinu, veći za 23,94%, što predstavlja znatan pomak u radu, posebno ako se ima u vidu činjenica da navedeni predmeti zahtijevaju posebnu pažnju tužilaca budući da se u predmetima sa ovom oznakom zavode revizioni izvještaji, neizvršenje presuda Ustavnog suda BiH, te događaji nakon izvršenih izbora u BiH za koje postoji osnov sumnje da mogu biti kvalifikovani kao izborne prevare i zloupotreba biračkog prava, a s obzirom da izvještaji za ove informacije i općenito ulazne informacije u Tužilaštvo BiH ne dostavljaju Agencije za provođenje zakona nego razni organi i institucije, u istim se, u cilju utvrđivanja da li određeni događaji uopšte predstavljaju krivično djelo, provodi niz istražnih radnji koje nerijetko traju duži vremenski period.

U nekim od KTA predmeta su tokom 2010. godine provedene posebne istražne radnje, koje s obzirom na njihovu složenost, takođe zahtijevaju posebnu pažnju tužilaca u radu, kao i duži vremenski period za njihovo okončanje.

2.3.4.3. KTZ PREDMETI

U posmatranom periodu Odjel III je imao u radu ukupno 183 KTZ predmeta u vezi sa 236 osoba, koji se odnose na postupke pružanja međunarodne pravne pomoći, izručenja osoba i izvršenja inostranih sudskih odluka, od kojih je 37 predmeta u vezi sa 47 osoba preneseno iz ranijih godina, dok je u 2010. godini zaprimljeno 146 predmeta u vezi sa 190 osoba, a što je 97,99% od ukupnog priliva KTZ predmeta u Tužilaštvo BiH.

U 2010. godini je od ukupnog broja KTZ predmeta završeno 163 prema 213 osoba, dok je u radu ostalo još 19 predmeta u odnosu na 21 osobu. Posmatrajući naprijed navedeni broj KTZ predmeta koji su iz ranijeg perioda kao neriješeni preneseni u 2010. godinu i istovremeno upoređujući taj broj sa brojem neriješenih KTZ predmeta koji su iz 2010. godine preneseni kao neriješeni u narednu, 2011. izvještajnu godinu, evidentno je smanjenje broja neriješenih predmeta iz godine u godinu, uprkos velikom prilivu navedenih predmeta u rad svake godine u ovom odjelu.

2.3.4.4. KTM PREDMETI

U pogledu predmeta koji se odnose na maloljetne počiniocima krivičnih djela, Odjel III je u 2010. godini imao u radu ukupno 44 KTM predmeta u odnosu na 65 malolj. osoba, od kojih je iz ranijih godina

ostalo u radu 25 predmeta u odnosu na 43 malolj. osobe, dok je u 2010. godini zaprimljeno 19 KTM predmeta prema 22 malolj. osobe, što predstavlja 100% od ukupnog priliva KTM predmeta u 2010. godini u Tužilaštvo BiH.

Tokom 2010. godine, od ukupnog broja predmeta koji se odnose na maloljetne počinioce krivičnih djela, tužiocima ovog odjela su donijeli 26 naredbi o nepokretanju postupka prema 33 malolj. osobe i podnijeli 12 prijedloga za pokretanje pripremnog postupka Sudu BiH u odnosu na 25 malolj. osoba, od kojih se 11 odnosilo na krivično djelo krivotvorenje novca iz člana 205. KZ-a BiH i jedno na krivično djelo krijumčarenje ljudi iz člana 189. KZ-a BiH. Upoređujući broj podnesenih prijedloga za pokretanje pripremnog postupka iz 2010. godine sa brojem navedenih prijedloga podnesenih u 2009. godini, evidentan je porast za 71,43% u odnosu na predmete i 78,57% u odnosu na malolj. osobe. U 2010. godini riješeno je ukupno 39 predmeta prema 59 malolj. osoba, dok je na kraju posmatrane godine ostalo u radu 5 KTM predmeta u odnosu na 6 malolj. osoba.

Posmatrajući broj podnesenih izvještaja protiv malolj. počilaca krivičnih djela u 2010. godini sa osvrtom na 2009. godinu (tj. 13 u odnosu na predmete i 18 u odnosu na osobe), evidentna je tendencija rasta stope kriminaliteta među maloljetnim osobama na području Bosne i Hercegovine. Prema raspoloživim podacima, kada su u pitanju maloljetne osobe, svi izvještaji policijskih agencija podneseni tokom 2010. godine, u svim slučajevima su se odnosili na krivično djelo krivotvorenje novca.


2.3.4.5. KTN PREDMETI

Protiv nepoznatih počilaca krivičnih djela, Odjel III je u posmatranom periodu imao u radu ukupno 220 predmeta, od kojih je iz ranijih godina preneseno 79 predmeta, dok je u 2010. godini zaprimljen 141 predmet, a što predstavlja 95,92% od ukupnog priliva KTN predmeta u 2010. godini. Na kraju posmatranog perioda, tužiocima Odjela III riješili su 179 predmeta, dok je u radu ostao još 41 predmet.


U posmatranoj godini Odjel III je u odnosu na 2009. godinu imao za 16% manje riješenih predmeta, s obzirom da je otkrivanje nepoznatih počilaca krivičnih djela isprepletano sa brojnim poteškoćama. Međutim, imajući u vidu činjenicu da je na kraju 2009. godine u radu Odjela III ostalo 79 predmeta, a krajem 2010. godine 41 neriješen KTN predmet, evidentno je smanjenje broja neriješenih KTN predmeta u 2010. godini u odnosu na 2009. godinu, uprkos velikom prilivu KTN predmeta iz godine u godinu.

2.3.4.6. A PREDMETI

Odjel III je u 2010. godini imao u radu ukupno 91 A predmet, od kojih je zaključno sa 31.12.2010. godine okončan 61 predmet, dok je u 2011. godinu preneseno 30 neriješenih predmeta.



Slika 9. Pregled KTA, KTZ, KTM, KTN i A predmeta u Odjelu III za 2010. godinu



Slika 10. Pregled KTA, KTM, KTN, KTZ predmeta u Odjelu III

2.3.6. CJelokUPNI RAD PO PREDMETIMA

Dakle, od ukupno 2.361 predmeta kojim je u 2010. godini bio zadužen Odjel III, tužioci ovog odjela su okončali 1.642 predmeta, dok je u narednu godinu preneseno ukupno 719 neriješenih predmeta.

Iz svega naprijed iznesenog proizlazi da su tužioci Odjela III u 2010. godini, u odnosu na 2009. godinu, riješili 75 zaduženih predmeta više, što je znatan pomak u odnosu na 2009. godinu, posebno ako se uzme u obzir činjenica da jedan tužilac ovog odjela u drugoj polovini 2010. godine i jedan stručni savjetnik pravnik tokom cijele 2010. godine, zbog bolovanja, nisu bili angažovani u radu na zaduženim predmetima, te da su dva nova tužioca primljena krajem prve polovine posmatranog perioda, četiri nova stručna saradnika u četvrtom tromjesječju 2010. godine, a dva dodatna stručna saradnika čak na samom kraju posmatranog perioda, kao i da je jedan od tužilaca Odjela III, koji je član VSTV-a BiH, u 2010. godini često bio angažovan na poslovima u radu tog vijeća, a samim tim u tom periodu bio spriječen da obavlja rad po zaduženim predmetima ovog odjela.

Posebno je značajno napomenuti da su tužioci Odjela III u periodu od 24.04. do 14.12.2010. godine, uz sagledavanje tekućeg priliva predmeta, uradili 423 stara predmeta iz 2003., 2004., 2005., 2006. i 2007. godine, a koji predmeti su konstantno presignirani iz POOK-a u Odjel III, te da je u Odjelu III iz prve četiri navedene godine ostalo još 19 predmeta koji nisu okončani tužilačkom odlukom.

2.3.7. OSTALE AKTIVNOSTI

U cilju stručnog osposobljavanja, tužioci i stručni saradnici Odjela III su u 2010. godini sudjelovali na seminarima održanim u organizaciji Centara za edukaciju sudija i tužilaca, te su svi ispunili obavezni broj dana prisustvovanja tim seminarima, što podrazumijeva četiri dana za tužioce a osam za stručne saradnike. Pored toga, tužioci ovog odjela su tokom posmatranog perioda takođe uzeli obavezno učešće i u radu brojnih radnih grupa i konferencija koje su održavane u organizaciji raznih državnih ustanova i institucija, te nevladinih organizacija na području Bosne i Hercegovine, ali i na regionalnim i međunarodnim seminarima, budući da se samo u Odjelu III Tužilaštva BiH obavljaju poslovi pružanja međunarodne pravne pomoći. Na ovom mjestu neophodno je istaći da su u posmatranom periodu tužioci ovog odjela, iz navedenih razloga, bili spriječeni posvetiti se radu na zaduženim predmetima ukupno 87 dana.

2.3.8. PROBLEMI U RADU

Glavni problemi s kojima se u radu suočava Odjel III su slijedeći:

1. S obzirom da je Odjel III u ranijim godinama bio odjel sa najmanjim brojem tužilaca, a najvećim brojem zaprimljenih predmeta, veliki teret u radu Odjela III predstavljaju stari predmeti koji su se u proteklim godinama nagomilali u ovom odjelu i to, djelimično zbog nedovoljnog broja tužilaca i pomoćnog osoblja, a djelimično zbog izmjene internih kriterija za raspodjelu predmeta između odjela od 30.06.2009. godine, koje su uzrokovale prilično velikog broja starih predmeta iz Posebnog odjela II (iz 2003., 2004., 2005., 2006. i 2007. godine), a koji, i pored

- utvđenog plana prioriternog rješavanja tih predmeta i znatnog broja okončanih starih predmeta u 2010. godini, tužiocima i dalje stvaraju poteškoće u radu, jer nerijetko protek vremena onemogućava prikupljanje potrebnih dokaza.
2. Veliki problem u radu takođe predstavlja i nedovoljan broj daktilografa, što usporava rad na zaduženim predmetima, tako da tužiocima koji nemaju stalno angažovanog daktilografa, rad na predmetima koji zahtijevaju daktilografsku pomoć moraju prilagoditi obavezama svojih radnih kolega, zbog čega često sa istim dolaze u situaciju vremenskog preklapanja zakazanih ročišta za ispitivanje osumnjičenih i saslušanje svjedoka.
 3. Također, treba naglasiti činjenicu da, u odnosu na ostala dva odjela Tužilaštva, samo Odjel III u radu ne uživa podršku Ureda registrara BiH.
 4. S obzirom da se samo u Odjelu III Tužilaštva BiH obavljaju poslovi pružanja međunarodne pravne pomoći, svi tužiocima su, osim učešća na seminarima održanim u organizaciji Centara za edukaciju sudija i tužilaca, bili obavezni sudjelovati u radu brojnih radnih grupa i konferencija koji su održavani u organizaciji raznih državnih ustanova i institucija, te nevladinih organizacija, a što je za njih, s obzirom na broj predmeta u radu, predstavljalo dodatno opterećenje.
 5. Značajno je ovdje istaći da je jedan od tužilaca Odjela III kontakt tačka za pružanje međunarodne pravne pomoći, u okviru mreže tužilaca Jugoistočne Evrope. Pored navedenog, nerijetko obaveze prisustva na međunarodnim seminarima padaju na teret tužilaca Odjela III, a što zahtijeva određene pripreme i odsustvo s rada, pa se to u krajnjem odražava i na broj tužilačkih odluka, pored svih drugih problema u ovom odjelu.
 6. Tokom posmatranog perioda, nastavljen je i priliv velikog broja KTA predmeta, u kojima materijal dostavljen od strane policijskih agencija o istim predstavlja obavještajne podatke iz kojih nisu proizlazili osnovi sumnje da su počinjena krivična djela, kao i onih KTA predmeta za čije postupanje u startu nije bilo nadležno Tužilaštvo BiH, koji predmeti su zahtijevali angažovanje tužilaca u radu po istim, a koje angažovanje ih je i ove godine, kao i prošle, onemogućavalo da sve snage preusmjere na rad po KT predmetima. Osim navedenog, veliki problem u radu također predstavlja i nedostatak samostalnosti u radu policijskih organa, kao i dostava često nepotpune dokumentacije, koja samim tim usporava rad tužilaca.
 7. S obzirom na navedeno, potrebno je da se u Odjelu III poveća broj daktilografa, kako bi se tužiocima ovog odjela obezbijedili optimalni uslovi za rad, a što bi se pozitivno odrazilo na broj tužilačkih odluka, a time i na broj riješenih predmeta kojima je zadužen ovaj odjel.

3. DRUGI ASPEKTI DJELOVANJA

3.1. AKTIVNOSTI KABINETA GLAVNOG TUŽIOCA

Kabinet glavnog tužioca djeluje kao administrativno središte glavnog tužioca i zapošljava osim tehničkog sekretara i prevodioca, stručne savjetnike pravnike, koji pomažu glavnom tužiocu u različitim administrativnim i rukovodnim poslovima, te kroz analize raznovrsnih pitanja krivičnopravne oblasti i nadzor rada tužilaca na konkretnim krivičnim predmetima. Kabinet zaprima sve podneske naslovljene glavnom tužiocu Tužilaštva BiH i uredno ih administrira, provodeći odgovarajuće postupke provjere, te dostavljajući odgovore strankama. Ukoliko se radi o podnescima koji upućuju na oblasti života i rada koji nisu u nadležnosti Tužilaštva BiH, Kabinet iste prosljeđuje nadležnim organima, uz obavještenje podnosiocima podnesaka.

Glavni tužilac zakazuje i održava redovne sjednice Kolegija glavnog tužioca, kojeg pored glavnog tužioca čine i dva zamjenika glavnog tužioca, na kojim sjednicama se raspravljaju sva pitanja i donose odluke od značaja za rukovođenje i nadzor nad radom Tužilaštva BiH u cjelini, svih njegovih krivičnih odjela kao i uprave.

U okviru svog rada Kabinet razmatra pritužbe na odluke tužilaca o nesprovođenju istrage i o obustavi istrage u pojedinim krivičnim predmetima, u skladu sa ZKP BiH. U toku protekle godine Kabinet je riješio ukupno 22 pritužbe po pojedinim krivičnim predmetima.

Takođe, Kabinet glavnog tužioca vrši evidenciju i prati tok postupaka koji se povodom apelacija pokreću pred Ustavnim sudom BiH, a povodom krivičnih postupaka koje je zastupalo Tužilaštvo BiH pred Sudom BiH.

3.2. AKTIVNOSTI NA RAZVIJANJU MEHANIZAMA SARADNJE SA AGENCIJAMA ZA PROVOĐENJE ZAKONA

Nakon što je u toku 2009. godine, kao produkt realizacije projekta „Uspostava boljih mehanizama saradnje između policije i tužilaštava u BiH“, glavni tužilac donio Uputstvo o postupanju i saradnji ovlaštenih službenih lica (policijskih službenika) i tužilaca u provođenju radnji dokazivanja u toku istrage, u posmatranom periodu sa ciljem daljeg razvijanja mehanizama saradnje između policije i tužilaštava kontinuirano su se održavali sastanci glavnog tužioca, direktora policijskih agencija u BiH i predstavnika Ministarstva sigurnosti BiH, na kojima je razgovarano o praktičnim pitanjima u vezi saradnje između policijskih agencija, kao i saradnje između policije i tužilaca. Sastanci su održani: 19.03. u Sarajevu, 23.04. u Bijeljini, 02.06. na Vlačiću, 09.07. u Sarajevu, 03.09. na Mrakovici, 22.12. u Sarajevu.

Na ovim sastancima, glavni tužilac i direktori policijskih agencija razgovarali su o temama vezanim za rad i svakodnevnu saradnju i koordinaciju policije i agencija za provođenje zakona, kao što su pitanja uspostave jedinstvenih i dostupnih policijskih evidencija, razmjene operativnih podataka između policijskih agencija u Bosni i Hercegovini, zajedničke borbe protiv terorizma, organiziranog kriminala,

ilegalnih migracija i drugih krivičnih djela, kao i pripremi agencija za provođenje zakona za osiguranje događaja u Bosni i Hercegovini, koji zahtijevaju povećan stepen aktivnosti policijskih agencija.

Na sastancima je dogovoreno i osnivanje Operativne grupe za borbu protiv terorizma, u kojoj će zajednički djelovati predstavnici policijskih agencija sa svih nivoa u BiH. Zadatak ove operativne grupe bit će analiza i praćenje aktivnosti koje ukazuju na opasnost od terorizma, kao i preventivno djelovanje na otkrivanju, sprječavanju i sankcionisanju svih aktivnosti koje imaju veze sa terorizmom.

Dogovarana je i koordinacija Tužilaštva BiH i policijskih agencija u procesu osiguranja provođenja oktobarskih općih izbora u BiH, nakon čega su formirani operativni štabovi za osiguranje izbornog procesa, koji je prošao bez većih incidenata.

Glavni tužilac i direktori policijskih agencija u oktobru 2010. godine putovali su na Floridu, SAD, gdje su sudjelovali na Međunarodnoj konferenciji šefova policija, na kojoj su sudjelovali predstavnici policijskih organizacija iz mnogih zemalja svijeta. Tokom posjete SAD, dužnosnici iz BiH sastali su se sa ministrom pravde SAD, Erikom Holderom, te prisustvovali obraćanju potpredsjednika SAD, Josepha Biden-a.

U mjesecu novembru, glavni tužilac i direktori policijskih agencija boravili su u radnoj posjeti SR Njemačkoj, u organizaciji misije EUPM-a u BiH.

Na sastancima glavnog tužioca i direktora policije sudjeluju:

- glavni tužilac Tužilaštva BiH
- direktor Direkcije za koordinaciju policijskih tijela u BiH
- direktor Državne agencije za istrage i zaštitu-SIPA
- direktor Granične policije BiH
- direktor Službe za poslove sa strancima BiH
- sekretar Ministarstva sigurnosti BiH
- direktor Federalne uprave policije MUP-a FBiH
- direktor Policije MUP-a RS
- šef Policije Brčko Distrikta BiH
- predstavnik policijskih komesara kantonalnih MUP-ova u F BiH
- šef Misije EUPM-a ili dužnosnici EUPM
- predstavnici ICITAP projekta i ambasade SAD u BiH.

Ovim sastancima, po potrebi, priključuju se i predstavnici ostalih policijskih i sigurnosnih agencija u BiH.

Organizaciju sastanaka, po sistemu rotacije, preuzimaju direktori i čelni dužnosnici institucija uključenih u koordinaciju.

Aktivnostima kroz naprijed navedene sastanke podršku daje ICITAP projekt Ministarstva pravde SAD i ambasada SAD u Bosni i Hercegovini.

3.3. AKTIVNOSTI KROZ RADNU GRUPU ZA BORBU PROTIV VISOKOTEHNOLOŠKOG (CYBER) KRIMINALA

S obzirom da Tužilaštvo BiH prati situaciju u vezi sa statistikom i strukturom kriminaliteta u Bosni i Hercegovini, nakon što je na području BiH uočeno enormno povećanje broja krivičnih djela iz oblasti visokotehnološkog (internet, kompjuteri i slično) kriminala tokom 2010. godine, na inicijativu Tužilaštva BiH, osnovana je Radna grupa za borbu protiv visokotehnološkog kriminala, koji se uglavnom prepoznaje pod nazivom cyber kriminal.

Tokom sastanaka Radne grupe, zaključeno je da u Bosni i Hercegovini postoji problem zloupotrebe interneta radi izvršenja krivičnih djela, što je također i globalni problem, kao i da BiH trenutno nema dovoljne i odgovarajuće zakonske, kadrovske i tehničke kapacitete za efikasnu borbu protiv ove vrste kriminala.

Zaključeno je da se hitno trebaju preduzimati aktivnosti na izmjeni postojeće zakonske regulative, kao i osposobljavanju agencija za provođenje zakona u BiH i drugih institucija uključenih u ovu problematiku, kako bi se osigurali uslovi za efikasno otkrivanje i krivično procesuiranje počinitelaca ovih krivičnih djela.

Nakon sastanaka održanih u Tužilaštvu BiH, dogovorene su dalje aktivnosti u pravcu jačanja ljudskih i tehničkih kapaciteta u policijskim agencijama i agencijama za provođenje zakona, za borbu protiv ove vrste kriminala.

Također, zaključeno je da je potrebno organizirati stručnu i specijalističku edukaciju policijskog kadra za rad na otkrivanju ove vrste kriminala, kao i preduzeti aktivnosti za nabavku sofisticirane opreme koja je potrebna za zakonit nadzor i kontrolu interneta.

Tokom rada Radne grupe za borbu protiv visokotehnološkog kriminala, evidentirano je da se zloupotreba interneta i savremene tehnologije u BiH, najviše odnosi na krivična djela kao što su: širenje vjerske i nacionalne mržnje i netrpeljivosti, zloupotreba i kršenje autorskih prava, iskorištavanje djece ili maloljetnika radi pornografije, zloupotreba kreditnih kartica i elektronskih sredstava plaćanja, krijumčarenje i prodaja nedozvoljenih sredstava, krivična djela u vezi sa terorizmom, kao i druga krivična djela.

U radu ove radne grupe sudjeluju predstavnici Tužilaštva BiH, predstavnici svih policijskih agencija u Bosni i Hercegovini, kao i predstavnici nadležnih ministarstava i agencija čiji djelokrug rada ima doticaja sa internetom i savremenim komunikacijskim sredstvima.

3.4. AKTIVNOSTI KROZ UDARNE GRUPE

3.4.1. UDARNA GRUPA ZA BORBU PROTIV TERORIZMA I JAČANJA SPOSOBNOSTI ZA BORBU PROTIV TERORIZMA

U 2004. godini, Odlukom Vijeća ministara Bosne i Hercegovine, uspostavljena je Grupa za borbu protiv terorizma i jačanje sposobnosti za borbu protiv terorizma (Udarne grupe) koja radi pod vođstvom Tužilaštva Bosne i Hercegovine i nadzorom Ministarstva sigurnosti BiH.

Osnivanjem Udarne grupe za otkrivanje krivičnih djela terorizma, institucionalizirana je borba protiv terorizma u Bosni i Hercegovini.

Tokom 2005. godine, Tužilaštvo Bosne i Hercegovine osiguravalo je saradnju i koordiniralo rad organa koji sudjeluju u borbi protiv terorizma, prikupljanjem informacija o svim slučajevima terorizma na teritoriji Bosne i Hercegovine i provodeći istrage.

Aktivnosti Tužilaštva Bosne i Hercegovine, u ovom segmentu, ogledale su se prvenstveno u otkrivanju mreže koja osigurava finansijsku i svaku drugu podršku osobama za koje se sumnja da su povezane sa pojedincima, pravnim osobama ili udruženjima čije djelovanje ukazuje na krivična djela terorizma. Tužilaštvo Bosne u Hercegovine, kroz učešće u radu ove Grupe, zalaže se za sveobuhvatan pristup problemu terorizma na način da se u sredini, kakva je savremena bosansko-hercegovačka realnost, moraju procijeniti potencijalna žarišta iz kojih bi mogle proisteći djelatnosti, koje su i razlog osnivanja ove Udarne grupe. Kroz segment djelatnosti Grupe, Tužilaštvo Bosne i Hercegovine je tokom 2005. godine, radilo na uspostavi kontakta i saradnje sa ekspertima Vijeća Evrope i Vijeća sigurnosti UN-a iz oblasti terorizma.

S obzirom da se od 01.07.2009. godine primjenjuju izmijenjeni Kriteriji za raspodjelu predmeta između odjela Tužilaštva BiH broj A-518/09 od 30.06.2009. godine, svi predmeti za krivična djela terorizma iz člana 201. KZ BiH i krivična djela finansiranja terorističkih aktivnosti iz člana 202. KZ BiH, spadaju u nadležnost Posebnog odjela II. S tim u vezi u toku posmatranog perioda došlo je do izmjene članova Udarne grupe koji dolaze iz Tužilaštva BiH. U decembru 2010. godine održan je prvi sastanak Udarne grupe u novom sazivu na kojem je dogovoren dalji način rada Udarne grupe.

Tom prilikom je formirana operativna podgrupa kojom će rukovoditi glavni tužilac Tužilaštva BiH, a što je rezultat zaključka donesenog u toku 2010. godine na sjednici direktora svih agencija za provođenje zakona i glavnog tužioca Tužilaštva BiH. Sačinjen je plan rada i aktivnosti za 2011. godinu. U toku posmatranog perioda, a u vezi sa promjenom nadležnosti Posebnog odjela II, oko 80 predmeta je preuzeto od tužilaca iz prethodnog saziva Udarne grupe, od čega je više od 10 riješeno, odnosno arhivirano.

U odnosu na ostale predmete, Udarne grupe je odredila jednog stručnog saradnika Tužilaštva BiH koji je zadužen da, u saradnji sa tužiocima iz Udarne grupe, radi po preostalim predmetima i koji je istovremeno određen i za sekretara Udarne grupe.

3.4.2. UDARNA GRUPA ZA BORBU PROTIV TRGOVINE LJUDIMA I ORGANIZIRANE ILEGALNE IMIGRACIJE

Odlukom Vijeća ministara ("Službeni glasnik BiH" br. 3/04) formirana je Udarne grupa za borbu protiv trgovine ljudima i organizirane ilegalne imigracije, kao oblika organiziranog kriminala. Udarne grupa djeluje na području cijele Bosne i Hercegovine i u njen sastav ulaze predstavnici tužilaštava, organa unutrašnjih poslova, poreznih organa, finansijske policije, državne granične službe, dakle svi koji mogu dati doprinos u borbi protiv trgovine ljudima i ilegalne imigracije. Udarne grupa blisko saraduje sa Državnim koordinatorom za borbu protiv trgovine ljudima i ilegalne imigracije, te sa Evropskom policijom, Ministarstvom pravde pri Ambasadi SAD u Sarajevu, ICITAP-om, međunarodnom organizacijom za imigracije IOM i različitim nevladinim organizacijama, koje se bave zaštitom žrtava trgovine ljudima: "Udruženje HO međunarodni Forum solidarnosti", Udruženje "Žena BiH" Mostar, Organizacija žena "Lara" Bijeljina, Fondacija "La strada" Bosna i Hercegovina, Centar za terapiju žena "Medica" Zenica, Udruženje "Vaša prava" Bosna i Hercegovina i drugim.

Udarne grupa je nadležna da, pod neposrednim rukovođenjem glavnog tužioca Tužilaštva BiH, osigurava saradnju nadležnih organa i organizacija, provodi istraživanje i obrazuje operativne istražne timove koji rade na prikupljanju i razmjeni relevantnih podataka i informacija vezano za slučajeve trgovine ljudima i vezane ilegalne imigracije, a sve u cilju njihovog suzbijanja. U sastav udarne grupe, kao stručni predstavnici ispred Tužilaštva BiH, ulaze i dva tužioca Posebnog odjela za organizirani kriminal, privredni kriminal i korupciju Tužilaštva BiH.

U julu 2005.g. sačinjene su Procedure za postupanje sa žrtvama trgovine ljudima u Bosni i Hercegovini, u skladu s Konvencijom UN-a u borbi protiv transnacionalnog organiziranog kriminala i njenog Protokola za sprečavanje, zaustavljanje i kažnjavanje trgovine ljudima, drugim međunarodnim konvencijama i protokolima, te pozitivnim propisima Bosne i Hercegovine.

Tokom 2005. godine uz finansijsku i operativnu pomoć Udarne grupe, vođena je istraga u nekoliko predmeta Tužilaštva Bosne i Hercegovine iz oblasti trgovine ljudima.

Udarne grupa je, u skladu sa Planom rada u 2010. godini, obavila slijedeće aktivnosti:

Održano je 12 redovnih sastanaka Udarne grupe, koje je sazivao i organizirao rukovodilac Udarne grupe (jedanput mjesečno prema utvrđenom dnevnom redu i mjestu održavanja sastanka).

Sudjelovali su u istraživanju 45 slučajeva vezanih za trgovinu ljudima i ilegalnu imigraciju, koristeći se metodom formiranja operativnih istražnih timova koji su planiranim akcijama sudjelovali u istraživanju pojedinih slučajeva trgovine ljudima i ilegalne imigracije.

Navodimo samo neke koje su sprovedene pod pseudonimom „Suljić“, „Magla I“, „Magla II“, „Tahirović“, „Kraljević i prosjak“, „Hodaj“, „Imamović B. i dr.“, „Iskra I“, „Iskra II“, „Viza“, „Almedina“, „Bulut“, „Grbavac I“, „Aco“, „Brada“, „Kabra“, „Buzadžija“, „Tempo“, „Nova generacija“ i dr.

Imajući u vidu da je prijavljeno i procesuirano više slučajeva koji se vežu za ilegalnu imigraciju (krivično djelo krijumčarenje ljudi), ukazano je na potrebu da se i dalje uvedu pojačane kontrole putnika i roba na graničnim prijelazima u BiH, prema susjednim zemljama, naročito Srbiji, Crnoj Gori, Makedoniji i prema Kosovu.

Praćenjem novih pojava oblika slučajeva koji se vežu za trgovinu ljudima, uočeno je da se prostitucija sve češće odvija po privatnim stanovima, putem oglasa, zaključivanjem fiktivnih brakova.

Zabrinjavajuće je da se kao žrtve ovih krivičnih djela sve češće pojavljuju djeca (prema UN Konvenciji o pravima djeteta, UN Konvenciji o Cyber kriminalu, UN Konvenciji o transnacionalnom organizovanom kriminalu sa Palermo protokolom).

Primjećen je porast prosjačenja i korištenje djece u svrhu posjedovanja pornografskog materijala i dr. Ovo ukazuje da počinioci ovih krivičnih djela mijenjaju metode i načine trgovanja ljudima i u tom pravcu ukazala se potreba dodatnih aktivnosti koje treba preduzimati radi identifikacije krivičnih djela, njihovih počinitelja i identifikacije žrtava trgovine.

3.5. AKTIVNOSTI KROZ EDUKACIJU

3.5.1. OBAVEZNA EDUKACIJA

Uspostavljanjem Centara za edukaciju sudija i tužilaca u Federaciji Bosne i Hercegovine i Republici Srpskoj, isti su postali ravnopravni članovi Lisabonske mreže institucija koja djeluje u oblasti edukacije sudija i tužilaca u državama članicama Vijeća Evrope, a obaveza svakog tužioca, prema entitetskim zakonima o Centrima za edukaciju, je provođenje minimalne edukacije od četiri dana godišnje.

U 2010. godini, tužioci Tužilaštva BiH (državljeni Bosne i Hercegovine), pored pohađanja obaveznih zakonom propisanih seminara, aktivno su se uključili i u ostale procese edukacije tužilaca, a isto tako su bili angažovani i kao edukatori, predavači i moderatori, te su prenosili svoja znanja i iskustva sudionicima seminara.

U organizaciji i entitetskih Centara za edukaciju, te saradnji s Misijom OSCE-a u BiH, Udruženjem medijatora u BiH, Udruženjem sudija/sudaca u FBiH, Udruženjem sudija BiH, Udruženjem sudija RS, Udruženjem tužilaca BiH, Udruženjem tužitelja/tužilaca FBiH, Udruženjem tužilaca RS, Advokatskim komorama FBiH i RS, UNDP-em, Ambasdom SAD u BiH, putem Programa pomoći Odjela za razvoj tržišnog prava Ministarstva finansija i trgovine SAD (CLDP), OSCE Uredom za demokratske institucije i ljudska prava – Projekat podrške prenosu znanja i materijala u predmetima ratnih zločina iz MKSJ na nacionalna pravosuđa i USAID – Projekt razvoja sektora pravosuđa II, OSCE/ODIHR-em, UNICRI-em, Međunarodnim krivičnim tribunalom za bivšu Jugoslaviju, Delegacijom Međunarodnog komiteta Crvenog krsta u BiH, Pravosudnom komisijom Brčko Distrikta BiH, VSTV-om, Fondacijom za međunarodnu pravnu saradnju IRZ i Evropskim institutom za javnu upravu – EIPA, Ambasdom SAD putem ureda američkog Ministarstva pravde za razvoj, pomoć i obuku tužilaštava u prekomorskim zemljama (OPDAT), tužioci Tužilaštva BiH svoje znanje su proširivali na seminarima i konferencijama na slijedeće teme:

- Edukacija edukatora o međunarodnom humanitarnom pravu
- Treća konferencija edukatora Centara za edukaciju sudija i tužilaca u FBiH i RS i Pravosudne komisije BD BiH

- Pravna medicina i forenzika
- Digitalna forenzika – napredni kurs
- Rukovođenje tužilaštvom i CMS
- Konferencija Bolja saradnja policije i tužilaštava u BiH
- Evropska konvencija o zaštiti ljudskih prava
- Zakon o međunarodnoj pravnoj pomoći u krivičnim stvarima
- Sporazum o priznanju krivnje, ocjene dokaza i odmjeravanje kazne
- Odnos evropskog prava i prava Bosne i Hercegovine
- Medijacija u Bosni i Hercegovini
- IX Savjetovanje iz krivične oblasti
- Posebne karakteristike zločina protiv čovječnosti u BiH i metodologija po kojoj se one ustanovljavaju prilikom istrage i suđenja u saglasnosti sa domaćim zakonodavstvom kao i korištenje međunarodne prakse i međunarodnih zakona u tu svrhu
- Donošenje sudskih odluka u predmetima kršenja prava intelektualnog vlasništva-radionica
- Nasilje u porodici i društvu-kaznena politika
- Posebne istražne radnje i zakonitost dokaza
- Konferencija Borba protiv organiziranog kriminala i korupcije u BiH
- Položaj nosilaca pravosudnih funkcija u kontekstu kodeksa sudske i tužilačke etike
- Odnos Ustavnog suda BiH i redovnih sudova u kontekstu čl. VI-3/.c Ustava BiH
- Svjedoci u krivičnom postupku
- Pitanja koja se tiču provođenja međunarodnih i međuentitetskih krivičnih propisa
- III Stručno savjetovanje za tužioce u BiH
- Ujednačavanje prakse u tužilaštvima u predmetima ratnih zločina u BiH
- Modul 3 - Krivična oblast
- Zastupanje u sudskom postupku
- Regionalni projekt „Podrška u prenosu znanja i dokumentacije iz MKSJ-a domaćem pravosuđu u predmetima ratnih zločina“

3.5.2. OSTALA EDUKACIJA

U obukama u organizaciji raznih domaćih nevladinih organizacija i državnih institucija, pored tužilaca sudjelovalo je i stručno osoblje Tužilaštva, a isti su sudjelovali i u stručnim obukama u okviru međunarodne saradnje. Ove stručne edukacije odnosile su se, između ostalog, na oblast krivotvorenja, borbe protiv pranja novca, borbe protiv trgovine ljudima, intelektualnog vlasništva, borbe protiv terorizma, finansijskih krivičnih djela i drugih značajnih aspekata borbe protiv kriminala. To svakako dalje obuhvata saradnju sa policijskim agencijama i međunarodnu saradnju u ovoj oblasti, kao i saradnju između tužilaštava kako u okviru Bosne i Hercegovine tako i van nje, a posebno u regionalnom okviru. Posebna pažnja posvećena je i učešću na obukama koje su se odnosile na zaštitu i podršku svjedocima.

- Konferencija “Provođenje zakona iz BiH policijske misije UN” – Sarajevo
- VIII Konferencija evropskih eksperata za borbu protiv krivotvorenja eura Albanija, Tirana

- VIII Konferencija o borbi protiv pranja novca, Njemačka, Berlin
- Konferencija "XVII SEEPAG" – Bugarska, Sofija
- VI Konferencija glavnih tužilaca u BiH u organizaciji VSTV – Neum
- VI Regionalna konferencija posvećena borbi protiv trgovine ljudima – Beograd
- Regionalna konferencija o kriminalu u oblasti intelektualnog vlasništva – Albanija, Tirana
- Regionalna konferencija "Jačanje regionalne i prekogranične saradnje kao preduslova uspješne borbe protiv organiziranog kriminala u JIE" – Srbija, Beograd
- Konferencija "Podrška svjedocima tokom sudskih postupaka u BiH" – Sarajevo
- Konferencija "Funkcionisanje pravosuđa u uslovima članstva u EU" – Zagreb
- Konferencija otvaranja projekta saradnje krivičnog pravosuđa, zaštite svjedoka u borbi protiv teškog kriminala i terorizma – Belfast
- Konferencija policije i tužilaca – Neum
- Seminar "Policajska i pravosudna saradnja u Evropskoj uniji – trenutna situacija i budući razvoj" – Banja Luka
- Seminar "Borba protiv terorizma" – Banja Luka
- Seminar "Konvencija sajber kriminala" – Banja Luka
- Seminar "Napredne istrage tehnike krivičnog gonjenja složenih finansijskih krivičnih djela" – Teslić
- INTERPOL – AWARENESS Seminar - Sarajevo
- Seminar "Droge – specijalne istrage i krivično gonjenje" – Banja Luka
- Seminar "Posebne istražne radnje i zakonitost dokaza" – Bihać
- Seminar "Oduzimanje nezakonito stečene imovine i pranje novca" – Dubrovnik
- Seminar "Bolji mehanizmi saradnje policije i Tužilaštva na predmetima korupcije i organizovanog kriminala sa posebnim osvrtom na finansijske istrage i oduzimanje nezakonito stečene imovine" - Fojnica
- Seminar "Istrage o kompjuterskom kriminalu u vezi oružja za masovno uništenje" – Sarajevo
- Seminar "The Development of Communication Protocols for Regional Exchange of WMD Counterproliferation and Trafficking Information" – Njemačka, Garmish
- Regionalni seminar o provođenju istraga i krivičnom gonjenju kršenja kontrole izvoza – Slovenija, Bled
- Plenarni sastanak konsultativnog savjeta Evropskih tužilaca CCPE – Armenija
- 33. Plenarna sjednica "Moneyval" – Strazbur
- Zajednički sastanak I i II kruga model Tužilaštva – Vlašić
- Radna grupa Institucija BiH za sprečavanje pranja novca i finansiranje terorističkih aktivnosti – Moneyval – Strazbur
- Radionica "Zajednički istražni timovi" – Slovenija, Ljubljana
- Radionica "Zajednički istražni timovi" – Bugarska, Sofija
- Studijska posjeta Ujedinjenom Kraljevstvu i Irskoj – Irska
- Obuka "Presretanje nedozvoljene trgovine oružjem za masovno uništenje" – Sarajevo
- Manifestacija obilježavanja evropskog dana civilne pravde – Teslić
- "Dani crnogorskog sudstva" – Crna Gora, Budva

U periodu obuhvaćenom ovom informacijom značajna pažnja posvećena je i obuci stručnog osoblja koje obavlja razne stručne poslove u okviru Uprave tužilaštva, tako da se uočava povećanje njihovog učešća u ovim vidovima obuke. Navode se neki od tih seminara :

- Seminar "Menadžment ljudskih resursa" – Neum
- Seminar "Uredski menadžment I dio" – Dubrovnik
- Seminar "Kancelarijsko poslovanje u organima uprave" – Dubrovnik
- Seminar "Kreiranje uspješnog radnog okruženja" - Brela
- Seminar "Primjena Zakona o zaštiti tajnih podataka" – Mostar
- Seminar "Poslovno osposobljavanje u administraciji" – Baška Voda
- Seminar "IT forum" – Vlačić
- Seminar "Primjena Zakona o zaštiti tajnih podataka" – Fojnica
- Seminar "Kopaonička škola prirodnog prava" - Kopaonik
- Više seminara iz oblasti javnih nabavki i finansija

3.6. AKTIVNOSTI U OBLASTI ODNOSA S JAVNOŠĆU

U periodu koji je obuhvaćen ovom informacijom, javnost je kontinuirano informisana o radu Tužilaštva BiH. Vršena je distribucija informacija medijima i građanima Bosne i Hercegovine, koje se odnose na rad na predmetima, uključujući i aktivnosti koje su u okviru rada na predmetima realizovane po nalogu Tužilaštva BiH. Sredstvima informisanja također su prosljeđene i informacije o sastancima glavnog tužioca Tužilaštva BiH sa visokim dužnosnicima pravosudnih institucija u BiH, kao i zemalja regiona, te posjetama i susretima sa diplomatskim predstavnicima, kao i informacije o stručnim predavanjima, izlaganjima, stručnim posjetama i sudjelovanjima glavnog tužioca i drugih tužilaca na stručnim seminarima i konferencijama.

U posmatranoj godini zaprimljeno je više stotina pismenih i usmenih upita raznih sredstava informisanja, pojedinačnih upita novinara, kao i građana u vezi sa predmetima na kojima radi Tužilaštvo BiH. Samo sredstvima informisanja iz Tužilaštva BiH prosljeđeno je više od 260 saopštenja i informacija. Glavni tužilac, drugi tužioci i stručno osoblje u toku 2010. godine dali su 40-ak intervjuua za razne elektronske i štampane medije u BiH i inostranstvu.

Predstavnici Odjela za odnose s javnošću, zajedno sa drugim stručnim osobljem, sudjelovali su na ukupno 5 Okruglih stolova organiziranih u više gradova diljem BiH (Sanski Most, Prijedor, Drvar, Rogatica), na kojima je predstavnicima udruženja žrtava u lokalnim zajednicama, kao i predstavnicima lokalnih organa vlasti, pravosuđa i policije, prezentiran rad Tužilaštva BiH u predmetima ratnih zločina.

Putem web stranice Tužilaštva BiH u 2010. godini, prezentirano je ukupno 259 informacija i saopštenja o radu na predmetima, kao i o drugim aktivnostima Tužilaštva BiH.

Na ovoj stranici u periodu obuhvaćenom informacijom evidentirano je 67 234 posjeta, što je u prosjeku više od 180 posjeta dnevno. Najviše posjeta internet stranici Tužilaštva BiH zabilježeno je krajem januara 2010. godine, kada je dnevno znalo biti zabilježeno i više od 500 posjeta.

4. FINANSIJSKI IZVJEŠTAJ

Odobreni budžet za Tužilaštvo BiH za 2010. godinu sastoji se od sredstava odobrenih budžetom u iznosu od 6.675.565KM, što je uključivalo 173 uposlenu, i sredstava odobrenih Aneksom u iznosu od 1.570.435 KM, što je obuhvatilo dodatnih 32 uposlenika.

Ukupan budžet iznosio je 8.246.000,00 KM, a struktura odobrenog budžeta bila je:

- Tekući izdaci.....7.933.100,00 KM,
- Kapitalni izdaci.....213.000,00 KM,
- Udarina grupa za borbu protiv trgovine ljudima i ilegalne imigracije BiH.....99.900,00 KM.
- **U K U P N O :8.246.000,00KM**

Tužilaštvo Bosne i Hercegovine je ostvarilo ukupne troškove u iznosu od **7.045.218** KM ili **0,85%** odobrenog budžeta za 2010. godinu kako slijedi:

- Tužilaštvo /redovni budžet/ ukupno utrošeno: 6.949.158 KM što iznosi 0,85% ukupno odobrenog budžeta za 2010. godinu. Relativno nizak procenat izvršenja budžeta evidentan je na poziciji Bruto plaće i naknade i iznosi 84% planiranog budžeta uz prestrukturiranje 352.000 KM sa ove pozicije na ostale, a utrošena sredstva na poziciji naknade troškova uposlenih iskorištena su u procentu 81%, iz razloga prolongiranja prijema novih uposlenika tj. planiranim budžetom za 2010. godinu tretirana su 173 uposlenu i 32 uposlenu tretirana aneksom, što je ukupno 205 planiranih uposlenika, s tim da su u prvoj polovini godine tranzicionirana 4 nova uposlenika, prijem 22 nova uposlenika izvršen početkom oktobra 2010. godine, a 10 uposlenika krajem decembra 2010. godine, kada je tranzicionirano i novih 10 uposlenika. Ukupan broj uposlenih na kraju 2010. godine iznosio je 183, sa direktnom refleksijom na smanjenu potrošnju sredstava predviđenih na poziciji plaće i naknade troškova uposlenih .

Udarina grupa za borbu protiv trgovine ljudima i ilegalne imigracije u BiH – ukupno utrošeno 96.090 KM, što iznosi 0,96% ukupnog budžeta odobrenog za ove namjene u 2010. godini.

Prestrukturiranje sredstava vršeno je u dva navrata i to:

I prestrukturiranje:

Ukupan iznos od 352.000 KM je prestrukturiran sa pozicije Bruto plaće i naknade na pozicije:

- Putni troškovi60.000 KM
- Izdaci poštanskih i telefonskih usluga..... 35.000 KM
- Nabavka materijala 53.000 KM
- Izdaci za usluge prevoza i goriva..... 3.000 KM
- Izdaci za tekuće održavanje 35.000 KM
- Ugovorene usluge 28.000 KM
- Kapitalni izdaci138.000 KM

II prestruktuiranje:

Ukupan iznos od 5.000 KM je prestruktuiran sa pozicije Izdaci za komunalne usluge i električnu energiju na poziciju Putni troškovi.

Restruktuiranje sredstava na kapitalne izdatke vrši se iz razloga prilagođavanja plana nabavke iz budžeta za 2010. godinu i to:

- Namještaj45.000 KM
 - Kompjuterska oprema.....80.000 KM
 - Oprema za prenos podataka i glasa.....3.000 KM
 - Nabavka ostalih stalnih sredstava.....10.000 KM
- UKUPNO KAPITALNI IZDACI:138.000 KM**

Sredstva za kapitalne izdatke su utrošena u iznosu od 188.535 KM, što je 89% odobrenih sredstava namijenjenih za ove svrhe.

Na poziciji kapitalni izdaci prvobitno je odobreno 75.000 KM, a nakon sastanka predstavnika Ministarstva finansija i trezora i Tužilaštva BiH u Sarajevu 16.09.2010. godine, pristupilo se restruktuiranju, odnosno prilagođavanju plana nabavke iz budžeta za 2010. godinu u cilju da se dio sredstava iz zahtjeva za 2011. godinu smanji, te se na ovu poziciju restruktuiralo 138.000 KM, što ukupno čini 213.000 KM na poziciji za kapitalne izdatke.

U toku 2010. godine Tužilaštvo BiH imalo je donacije u naturalnom obliku ukupne vrijednosti od:

- KM **9.574,69** na **poziciji kompjuterska oprema** i to:

- kompjutera.....5 komada
- printera 6 komada

- KM **11.968,39** na poziciji elektronska oprema i to:

- skener 3 komada.

Kompletna kompjuterska oprema i jedan skener donacija je VSTV, a dva skenera su donacija ICITAP-a.

Sredstva predviđena i odobrena za rad Udarne grupe za borbu protiv trgovine ljudima i ilegalne imigracije u BiH, utrošena su u skladu sa planom rada i aktivnostima ove grupe, te je izvršenje budžeta na ovoj organizacionoj jedinici 96.060 KM ili 96% od ukupno odobrenog budžeta za ove namjene.

TABELARNI PREGLED IZVRŠENJA BUDŽETA 2010. godina

Period izvještavanja: od 01.01.2010. do 31.12.2010. godine

Re. br.	Vrsta rashoda	Ekonom. kod	Budžet za 2010.	Prestrukt.	Prestrukt.	Budžet po prestrukt.	Realizovano u tekućoj godini	Realizovano u prethodnoj godini	Indeks 8/7
1	2	3	4	5	6	7	8	9	10
	Tekući izdaci		8.071.100	I	0	7.933.100	6.760.623	6.150.441	0,85
1.	Plaće uposlenih	611100	6.900.000	-352.000		6.548.000	5.525.729	5.069.589	0,84
2.	Naknade troškova uposlenih	611200	493.000			493.000	397.558	411.569	0,81
3.	Putni troškovi	613100	114.520	60.000	5.000	179.520	177.650	148.542	0,99
4.	Izdaci za PTT usluge	613200	51.580	35.000		86.580	85.558	61.173	0,99
5.	Izdaci za kom.usl.i energ.	613300	74.000		-5.000	69.000	51.801	52.092	0,75
6.	Nabavka materijala	613400	99.000	53.000		152.000	151.445	110.632	1,00
7.	Izdaci za usl. prevoza i goriva	613500	24.000	3.000		27.000	25.250	18.694	0,94
8.	Unajmljivanje imovine i opreme	613600							
9.	Izdaci za tekuće održavanje	613700	63.000	35.000		98.000	69.410	43.660	0,71
10.	Izdaci za osiguranje	613800	13.000			13.000	9.810	9.982	0,75
11.	Ugovorene usluge	613900	239.000	28.000		267.000	266.413	224.508	1,00
II	Kapitalni izdaci		75.000	138.000		213.000	188.535	65.428	0,89
1.	Nabavka građevina	821200				0		0	
2.	Nabavka opreme	821300	75.000	138.000		213.000	188.535	65.428	0,89
3.	Nabavka ostalih stalnih sreds.	821400				0		0	
4.	Rekonstrukcija i investiciono održ.	821600				0		0	
III	UKUPNO :		8.146.100	0	0	8.146.100	6.949.158	6.215.869	0,85

INFORMACIJA O RADU ZA 2010. GODINU

ORGANIZACIONA JEDINICA - UDARNA GRUPA

1	Pos.por.za zašt.od prir.i dr.nesr.	611272	0			0	0	486	
2	Putni troškovi	613110	480			480	480	3.305	1,00
3	Izdaci za mobilne telefone	613212	17.420			17.420	15.380	13.554	0,88
4	Nabavka materijala	613400						0	
5	Prevoz i gorivo	613500							
6	Ugovorene usluge	613915	82.000			82.000	80.200	78.152	0,98
7	Kapitalni izdaci	821000				0		4.971	
VI	U K U P N O :		99.900			99.900	96.060	100.467	0,96
VII	UKUPNO BUDŽET:		8.246.000			8.246.000	7.045.218	6.316.336	0,85

Zbirno izvršenje budžeta sa 31.12.2010. godine

Red. broj	Vrsta rashoda	Ekonom. kod	Budžet za 2010.	Prestrukt.	Prestruk.	Budžet po prestrukturu iranju	Realizovano u tekućoj godini	Realizovano u prethodnoj godini	Indeks
1	2	3	4	5		6	7	8	9
I	Tekući izdaci		8.171.000	35.000		8.033.000	6.856.683	6.245.937	0,85
1.	Plaće uposlenih	611100	6.900.000	-352.000		6.548.000	5.525.729	5.069.589	0,84
2.	Naknade troškova uposlenih	611200	493.000			493.000	397.558	412.055	0,81
3.	Putni troškovi	613100	115.000	60.000	5.000	180.000	178.129	151.846	0,99
4.	Izdaci za PTT usluge	613200	69.000	35.000		104.000	100.938	74.727	0,97
5.	Izdaci za kom.usl.i energ.	613300	74.000		-5.000	69.000	51.801	52.092	0,75
6.	Nabavka materijala	613400	99.000	53.000		152.000	151.445	110.632	1,00
7.	Izdaci za usl. prevoza i goriva	613500	24.000	3.000		27.000	25.250	18.694	0,94
8.	Unajmljivanje imovine i opreme	613600						0	
9.	Izdaci za tekuće održavanje	613700	63.000	35.000		98.000	69.410	43.660	0,71
10.	Izdaci za osiguranje	613800	13.000			13.000	9.810	9.982	0,75
11.	Ugovorene usluge	613900	321.000	28.000		349.000	346.612	302.661	0,99
II	KAPITALNI IZDACI		75.000	138.000		213.000	188.535	70.399	0,89
9	U K U P N O :		8.246.000	0	0	8.246.000	7.045.218	6.316.336	0,85

PLANIRANJE BUDŽETA ZA 2011. GODINU

Tužilaštvo Bosne i Hercegovine je napravilo projekciju budžeta za 2011. godinu, te su tražena sredstva u ukupnom iznosu od **8.164.436,00 KM**. Budžet za 2011. godinu rađen je krajnje restriktivno, uz maksimalnu racionalizaciju svih izdataka i odražava stvarno stanje i procijenjene realne potrebe Tužilaštva za budžetskim sredstvima u 2011. godini.

Pri izradi projekcije budžeta prisutan je krajnje restriktivan pristup prilikom utvrđivanja pojedinih kategorija troškova, vodeći računa o izvršenju budžeta za 2010. godinu i planiranim parametrima u smjeru daljnjeg razvoja i nastavka započetog procesa reforme ove institucije u narednom periodu.

Navedeni iznos sastoji se od:

- I- Plana budžeta za potrebe Tužilaštva BiH u iznosu od 8.054.436 KM
- II- Plana budžeta za potrebe Udarne grupe za borbu protiv trgovine ljudima i organizovane ilegalne imigracije u BiH u iznosu od 110.000KM

I - Pri izradi plana budžeta koristio se krajnje restriktivan pristup prilikom utvrđivanja pojedinih kategorija troškova, vodeći računa o izvršenju budžeta za 2010. godinu, ali i planiranim parametrima u smjeru daljnjeg razvoja i nastavka započetog procesa reforme ove institucije u narednom periodu.

Plaće su korektno i precizno izračunate, u skladu sa:

- Zakonom o plaćama i drugim naknadama u sudskim i tužilačkim institucijama na nivou BiH;
- Zakonom o plaćama i naknadama u institucijama BiH ("Službeni glasnik BiH" broj 50/08).

Materijalni troškovi su planirani krajnje restriktivno, a na bazi historijskog troška u Tužilaštvu BiH.

Predviđen broj uposlenika je 183, koji obuhvata i tranzicionirano osoblje iz Ureda registrara, naime, 2010. godine na osnovu preporuke Tranzicijskog vijeća od 02.11.2009.g. i u skladu sa zaključkom Tranzicijskog vijeća od 10. marta 2010.g., u Tužilaštvo BiH integrisano je 14 uposlenika (Dodatkom 2 od 26. februara 2010. godine Memorandumu o razumijevanju između Ureda registrara i Tužilaštva BiH o integraciji osoblja Ureda registrara u Tužilaštvo BiH i prenosu imovine sa Ureda registrara na Tužilaštvo BiH) od 10. aprila 2007.g. – integrisana 2 uposlena; Dodatkom 3 Memorandumu od 30. juna 2010. godine integrisana još dva uposlena, a Dodatkom 4 Memorandumu od 13.12.2010. godine dodatnih 10 uposlenika.

Struktura uposlenika u Tužilaštvu BiH je:

- 34 tužioca
- 149 stručnog i administrativno-tehničkog osoblja

Cijeneći činjenicu da su sredstva za plaće planirana striktno prema Instrukciji sa uputama za pripremu zahtjeva za dodjelu sredstava iz budžeta za 2011. godinu broj: 05-02-1-5859-1/10 od 14.07.2010. godine dobijenih od strane Ministarstva finansija i trezora u ukupnom iznosu od 6.874.430 KM, dok ukupne naknade planirane po istim Instrukcijama, krajnje restriktivno, iznose 478.806 KM.

Tekući izdaci su rezultat historijskog troška kao i detaljne analize i planiranja, s obzirom na činjenicu da je u 2011. godini Tužilaštvo BiH nosilac svih troškova u kojima je do sada značajno participirao Ured registrara, tj. prestaje podrška Ureda registrara u vidu:

- plaćanja dijela putnih troškova za istražitelje i drugo osoblje (kako za tranzicionirane, tako i za uposlene iz Tužilaštva BiH)
- plaćanje dijela troškova vezanih za vještake
- plaćanje troškova telefona za tranzicionirano osoblje
- troškovi nabavke kancelarijskog materijala, troškovi nabavke materijala za čišćenje, nabavke tonera
- troškovi popravke i održavanja kompjuterske opreme

Kapitalni izdaci u ukupnom iznosu od 5.000 KM namijenjeni su za nabavku softvera potrebnih za kontinuiran rad Tužilaštva BiH.

II - Na osnovu tačke 8. Odluke o formiranju Udarne grupe za borbu protiv trgovine ljudima i organizovane ilegalne imigracije („Sl. glasnik BiH“, broj: 3/04, 103/06), za potrebe rada Udarne grupe za borbu protiv trgovine ljudima i ilegalne imigracije u BiH, predviđeni su troškovi u ukupnom iznosu od 110.000 KM, u cjelosti planirani za tekuće izdatke.

Procijenjeni troškovi su izračunati na bazi iskustvenog i historijskog troška iz prethodnih godina.

Navedene činjenice su relevantni pokazatelji da **traženi ukupan iznos budžeta od 8.164.436 KM** predstavlja krajnje restriktivno, stvarno stanje i realne potrebe za neometan rad Tužilaštva BiH u slijedećoj godini, i da bi svako, pa i minimalno, umanjeње budžeta dovelo do neprocjenjivih negativnih reperkusija na rad ove institucije.

5. UKUPAN RAD TUŽILAŠTVA BOSNE I HERCEGOVINE U PREDMETIMA U ODNOSU NA POZNATE POČINIOCE KRIVIČNIH DJELA

Kolona „Privredni kriminal“ predstavlja brojčani pokazatelj koji se odnosi na krivična djela iz glava XVIII i XIX Krivičnog zakona Bosne i Hercegovine i predstavlja zbirne podatke o radu Odjela II i III Tužilaštva BiH na toj vrsti predmeta (imajući na umu Interne kriterije o raspodjeli predmeta, o kojima je bilo riječi u prethodnim glavama ove Informacije).

Kolona „Opći kriminal“ predstavlja brojčani pokazatelj preostalih krivičnih djela iz Krivičnog zakona Bosne i Hercegovine i također predstavlja zbirne podatke o radu Odjela II i III Tužilaštva BiH, izuzev pojedinih krivičnih djela iz glave XVII KZ BiH koja su svrstana u kolonu „Ratni zločin“ i po kojima postupa Odjel I.

Tabela I: Podaci o prijavama iskazani po predmetima/osobama za period 01.01.-31.12.2010.

Vrsta predmeta "Kt"	Neriješeno prijava iz ranijih godina	Primljeno prijava u toku posmatranog perioda	Ukupno u radu prijava u toku posmatranog perioda	Riješeno prijava u toku posmatranog perioda	Neriješeno prijava na kraju posmatranog perioda
KOLONA =	I	II	III (III = I+II)	IV	V V = III - IV
Privredni kriminal	350/658	271/569	621/1227	387/634	234/593
Ratni zločin	308/2624	87/322	395/2946	101/340	294/2606
Opći kriminal	196/539	237/768	433/1307	249/586	184/721
Ukupno	854/3821	595/1659	1449/5480	737/1560	712/3920

Tabela II: Podaci o istragama iskazani po predmetima/osobama za period 01.01.-31.12.2010.

Vrsta predmeta "Kt"	Neriješene istrage iz ranijih godina	Naređeno istraga u toku posmatranog perioda	Ukupno u radu istraga u toku posmatranog perioda	Ukupno riješeno istraga u toku posmatranog perioda	Broj neriješenih istraga na kraju posmatranog perioda
KOLONA =	I	II	III (III = I+II)	IV	VI VI = III - IV
Privredni kriminal	179/381	168/328	347/709	173/285	174/424
Ratni zločin	293/1011	72/154	365/1165	77/131	288/1034
Opći kriminal	125/535	153/351	278/886	161/385	117/501
Ukupno	597/1927	393/833	990/2760	411/801	579/1959

Tabela III: Vrste procesnih odluka donesenih u Kt predmetima/osobama u periodu 01.01.-31.12.2010.

Vrsta predmeta "Kt"	U fazi rješavanja prijava			U fazi rješavanja istraga		
	Broj naredbi o neprovođenju istrage	Broj naredbi o provođenju u istrage	Riješeno na drugi način	Broj naredbi o obustavi istrage	Broj podignutih optužnica	Riješeno na drugi način
KOLONA =	I	II	III	IV	V	VI
Privredni kriminal	207/278	168/331	dec.25	62/133	106/141	5/11
Ratni zločin	13/33	72/154	24/153	16/48	29/45	32/38
Opći kriminal	51/123	153/352	45/111	37/127	120/239	4/19
Ukupno	271/434	393/837	81/289	115/308	255/435	41/68

Tabela IV: Podaci o podignutim optužnicama iskazani po predmetima/osobama

Vrsta predmeta "Kt"	Broj optužnica podignutih prije posmatranog perioda, a u kojima do 1.1.2010. nije bila donesena odluka o potvrđivanju ili odbijanju potvrđivanja	Ukupan broj podignutih optužnica u toku posmatranog perioda	Ukupan broj podignutih optužnica*	Ukupan broj potvrđenih optužnica u toku posmatranog perioda*	Broj optužnica čije je potvrđivanje odbijeno	Broj optužnica povučenih prije donošenja odluke o potvrđivanju	Broj optužnica podignutih u toku posmatranog perioda, a u kojima sa 31.12.2010. nije donesena odluka o potvrđivanju ili odbijanju potvrđivanja
			III = I+II				
Privredni kriminal	10/20	106/141	114/161	0/0	0/1	2/2	2/2
Ratni zločin	0	29/45	26/45	0/0	0	3/2	0/0
Opći kriminal	1/4	120/239	118/243	0/0	0	3/6	3/3
Ukupno	11/24	266/425	258/449	0/0	0/1	8/11	5/5

Vrsta predmeta "Kt"	Broj optužnica podignutih u toku posmatranog perioda*			Broj potvrđenih optužnica u toku posmatranog perioda*		
	sa krivičnim nalogom	bez krivičnog naloga	sa predloženim sporazumom o priznanju krivnje	sa krivičnim nalogom	bez krivičnog naloga	sa predloženim sporazumom o priznanju krivnje
KOLONA =	VIII	IX	X	XI	XII	XIII
Privredni kriminal	19/22	87/119	0/0	19/22	95/136	0/0
Ratni zločin	0/0	29/45	0/0	0/0	26/42	0/0
Opći kriminal	33/33	84/202	3/4	32/32	83/201	3/4
Ukupno	52/55	200/366	3/4	51/54	204/379	3/4

Tabela V: Podaci o vremenskoj strukturi potvrđenih, a neriješenih optužnica iskazanih po predmetima/osobama za period 01.01.-31.12.2010.

Vrsta predmeta "K"	Broj neriješenih potvrđenih optužnica na kraju izvještajnog perioda							Ukupno VII = I+...+VII	Ukupan broj potvrđenih optužnica riješenih donošenjem odluke suda u toku izvještajnog perioda:	Ukupan broj potvrđenih optužnica u toku izvještajnog perioda	Ukupan broj neriješenih optužnica na dan 01.01.2010.	Ukupan broj potvrđenih optužnica na dan 31.12.2010.
	I optužnice potvrđene prije 1.1.2006.	II optužnice potvrđene u toku 2006.	III optužnice potvrđene u toku 2007.	IV optužnice potvrđene u toku 2008.	V optužnice potvrđene u toku 2009.	VI optužnice potvrđene u toku 2010.	VII					
KOLONA =	I	II	III	IV	V	VI	VII	VIII	IX	X	XI=VII	
Privredni kriminal	7/27	0/0	3/3	7/9	10/16	40/56	67/111	74/142	114/158	121/189	67/111	
Ratni zločin	0/0	1/1	1/4	6/8	8/18	16/36	32/67	27/54	26/42	21/29	32/67	
Opći kriminal	2/9	0/0	5/17	0/0	11/23	40/113	58/162	52/130	118/237	112/205	58/162	
Ukupno	9/36	1/1	9/24	13/23	29/205	96/205	157/340	153/326	258/437	254/423	157/340	



Tabela VI: Podaci o vrstama sudskih odluka iskazani po predmetima/osobama za period 01.01.-31.12.2010.

Vrsta predmeta "Kt"	Broj predmeta u kojima je donesena odluka u toku izvještajnog perioda:													Ukupno broj donesenih sudskih odluka	Broj predmeta u kojima je povučena optužnica nakon potvrđivanja do početka glavnog pretresa	Broj pred. u kojima je došlo do odustanka od optuž. do završetka glavnog pretresa
	Riješenja o obustavi postupka						Osudjujuće presude / izrečene kazne						Ukupno osudjujućih presuda			
	I	II	III	IV	V	VI	VII	VIII	IX	X=V+...IX						
KOLONA =					zatvor	novčana	uslovna	opomene	oslobađajuće					XI	XII	XIII
Privredni kriminal	0/0	2/7	3/3	0/0	15/28	7/13	79/108	0	0	0	0	0	106/149	0/0	2/2	
Ratni zločin	0/0	0/0	3/6	0/0	12/17	0/0	0/0	0	0	0	0	0	15/23	0/0	0/0	
Opći kriminal	0/0	4/11	6/17	0/0	37/84	8/11	57/87	0	0	0	0	0	112/190	0/0	3/3	
Ukupno	0/0	6/18	12/26	0/0	64/129	15/24	136/175	0	0	0	0	0	233/372	0/0	5/5	
Vrsta predmeta "Kt"	Sporazumi o priznanju krivnje										Ukupno					
	broj predloženih sporazuma		broj odbaćenih sporazuma		osudjujuće presude po sporazumu o priznanju krivnje		broj predloženih sporazuma o kojima sud nije odlučio									
	XIV	XV	XVI	XVII												
	68/95	0/0	62/87	8/10												
	5/5	0/0	5/5	0/0												
53/89	0/0	48/78	5/10													
126/189	0/0	115/170	13/20													



PRIKAZI OPTUŽNICA POTVRĐENIH PRIJE 01.01.2006. DO KRAJA 2010. GODINE ISKAZANIH PO PREDMETIMA I OSOBAMA

(ratni zločini, privredni kriminal, opći kriminal)


1. Optužnice iz predmeta za ratne zločine od 2006. godine do kraja 2010. godine




2. Optužnice iz predmeta privrednog kriminala od 2006. godine do kraja 2010. godine



3. Optužnice iz predmeta općeg kriminala od 2006. godine do kraja 2010. godine



4. Pregled ukupno potvrđenih optužnica od 2006. do kraja 2010.godine



6. PRIJEDLOZI AKTIVNOSTI ZA EFIKASNIJI RAD U NAREDNOM PERIODU

6.1. UVOD

U periodu obuhvaćenom ovom informacijom, iako je ostvarivalo svoju funkciju u vrlo dinamičnom, promjenljivom i kompleksnom okruženju, Tužilaštvo BiH preduzelo je niz aktivnosti na realizaciji ciljeva postavljenih za posmatrani period. Aktivnosti su provođene u otežanim okolnostima za rad koje su bile posljedica odlaska 5 međunarodnih tužilaca iz Posebnog odjela za organizirani kriminal, privredni kriminal i korupciju i 3 međunarodna tužioca iz Posebnog odjela za ratne zločine. Dakle, Tužilaštvo je u jednom dijelu 2010. godine funkcionisalo bez ovih tužilaca, pri čemu je važno imati na umu da su neki od međunarodnih tužilaca već odlazili u zadnjem kvartalu 2009. godine. Domaći tužioci, nakon imenovanja od strane Visokog sudskog i tužilačkog vijeća BiH, otpočeli su sa radom 15.04.2010. godine - 6 tužilaca i još 1 tužilac sa 01.06.2010. godine, a novi međunarodni tužioci u Posebnom odjelu za ratne zločine - 1. tužilac u mjesecu junu 2010. godine, 1. tužilac u mjesecu augustu 2010. godine, tako da su na kraju posmatranog perioda bila 3 međunarodna tužioca, umjesto planirana 4. Ova situacija dodatno je usložnjena i zbog toga što su novi tužioci preuzimali vrlo kompleksne predmete od međunarodnih tužilaca i trebali su dodatno vrijeme za upoznavanje sa istima prije nego što su aktivno počeli djelovati. Sve ovo, naravno, dovelo je do znatnog zastoja u radu na vrlo značajnim i kompleksnim predmetima. U ovom periodu postojeći tužioci u Tužilaštvu zbog zauzetosti u radu na predmetima koje oni zadužuju, angažovali su se u ovim predmetima samo na preduzimanju radnji čije preduzimanje nije trpilo odlaganje. Značajan problem koji je prisutan već duže vrijeme, ali je u posmatranom periodu zbog povećanja broja uposlenika znatno otežavao rad, jeste činjenica da je ova institucija prerasla fizički prostor koji koristi, što je već istaknuto na više mjesta u ovoj informaciji.

Kako je već navedeno i u ovakvim okolnostima niz aktivnosti koje su predložene za ovaj period u prethodnoj informaciji je preduzet u toku 2010. godine. Iste su uglavnom već navedene kroz ovu informaciju, ali na ovom mjestu ističu se neke od njih:

- predstavnici Tužilaštva BiH aktivno su sudjelovali u radu tima za ocjenu i praćenje krivičnih zakona, kao i u svim drugim timovima i radnim grupama koje su se bavile problematikom iz oblasti krivičnog prava
- izvršen je popis krivičnih predmeta u svim tužilačkim odjelima
- izvršena je nova raspodjela predmeta
- intenzivnije se radilo na rješavanju starih predmeta
- povećan je broj tužilačkih odluka u odnosu na prethodnu godinu
- dalje je razvijan timski rad u posebno složenim predmetima
- preduzimane su aktivnosti u cilju provođenja Strategije za ratne zločine, kao što su, između ostalih, i podnošenje zahtjeva Sudu BiH za izdavanje naredbi za ekshumacije na teritoriji cijele BiH i ažuriranje baze podataka ratnih zločina

- tužioci i stručno osoblje sudjelovali su u edukacijama kroz centre za edukaciju, a dobar broj tužilaca uključeni su u ove edukacije i kao edukatori, te se svakako preko njih uticalo i na kreiranje edukacijskih seminara i odabir tema
- tužioci i stručno osoblje, prilagođeno njihovim obavezama prema radu na predmetima, ali i prema obavezama učešća u edukacijama, uzeli su učešće i u seminarima, radionicama, konferencijama i slično u organizaciji raznih domaćih i međunarodnih nevladinih organizacija, kao i državnih institucija
- obezbijedeno je i veće učešće ostalog (administrativnog) osoblja u edukacijama
- jedan tužilac iz ovog tužilaštva sudjeluje u radu radne grupe Visokog sudskog i tužilačkog vijeća koja se bavi problematikom tužilaštva, a između ostalog i ocjenjivanjem tužilaca
- glavni tužilac sa saradnicima aktivno je sudjelovao u koordinaciji aktivnosti svih agencija za provođenje zakona na teritoriji Bosne i Hercegovine u cilju otkrivanja i suzbijanja najtežih krivičnih djela
- u radu su primjenjivani usvojeni podzakonski akti koji su proizašli iz učešća u projektu "Uspostava boljih mehanizama saradnje između policije i tužilaštava BiH"
- ostvarivana je saradnja sa tužilaštvima u zemljama regije i šire primjenom međunarodnih multilateralnih i bilateralnih ugovora o saradnji
- nastavljeno je učešće u tužilačkim asocijacijama Evrope i regije (SEEPAG, SECI, CPGE, EUROJUST, EUROPOL i druge)
- donesen je novi Pravilnik o unutrašnjoj organizaciji, kojim su stvoreni i novi organizacioni kapaciteti
- u skladu sa izmjenama važećih propisa kojima se reguliše rad Tužilaštva doneseni su i neki drugi interni akti ili su usklađivani postojeći
- u znatnoj mjeri izvršeno je kadrovsko popunjavanje
- Tužilaštvo se vrlo aktivno uključilo u nastojanja da se nakon odlaska međunarodnih tužilaca poveća sistematizacija i popuni broj nedostajućih tužilaca
- materijalna i finansijska sredstva planirana su na način koji je omogućio nesmetan rad Tužilaštva u okviru zakonom propisanih nadležnosti i postavljenih ciljeva i primijenjena su pri tome pravila programskog planiranja
- Tužilaštvo se angažovalo u cilju osiguranja potrebnih materijalnih i finansijskih sredstava za veći broj tužilaca u vezi sa odlaskom međunarodnih tužilaca
- u vezi sa osiguranjem odgovarajućeg prostornog kapaciteta tužilaštvo se u cjelosti angažovalo i u saradnji sa drugim institucijama obezbijedilo dokumente potrebne da bi se moglo prići realizaciji odluke Vijeća ministara koja se odnosi na rješavanje problema nedostataka prostora za Tužilaštvo BiH
- u rad Tužilaštva uveden je i sistem za automatsku obradu i upravljanje predmetima

- radilo se na razvijanju primjene pravila i procedura u vezi sa korištenjem IT tehnologija, internet i elektronske pošte u svakodnevnom radu, sistema elektronskog pohranjivanja i čuvanja dokaza i drugih materijala u krivičnom postupku, korištenja analitičkih software-a za analizu dokaza i drugih materijala, te izradu analitičkih i kriminalističko-obavještajnih izvještaja

- način informisanja javnosti i omogućavanja pristupa informacijama u Tužilaštvu BiH u velikoj mjeri je već razvijen i funkcioniše kroz svakodnevne aktivnosti odjela za odnose s javnošću, službenika za informisanje i preko web stranice, a u posmatranom periodu uz provođenje svih planiranih aktivnosti značajno se radilo i na primjeni, u ovoj sferi, odredaba Zakona o zaštiti ličnih podataka.

6.2. POSTAVLJENI CILJEVI

Radi daljeg jačanja institucionalnih kapaciteta da djelotvorno i efikasno procesuiraju kako osjetljive i teške predmete ratnih zločina i organiziranog kriminala, tako i druge predmete iz svoje nadležnosti Tužilaštvo Bosne i Hercegovine i u narednom periodu kontinuirano će se zalagati za ostvarenje u prethodnom periodu postavljenih ciljeva. Neke od aktivnosti planiranih u prethodnom periodu su u posmatranom periodu realizovane, dok neke od njih zahtijevaju kontinuirano djelovanje i preduzimat će se i dalje. U daljem tekstu navode se postavljeni ciljevi kako slijedi:

- stvaranje boljeg zakonskog okvira za djelovanje,
- efikasno otkrivanje i procesuiranje počinitelja krivičnih djela u okvirima propisane nadležnosti,
- unapređenje kvaliteta rada i profesionalnosti tužilaca i ostalih uposlenika,
- unapređenje saradnje sa agencijama za provođenje zakona, regionalne saradnje i saradnje na međunarodnom planu,
- unapređenje u kadrovskom i organizacionom smislu,
- osiguranje materijalno-finansijskih uslova za nesmetan rad,
- uvođenje i primjenu novih tehnoloških dostignuća,
- unapređenje odnosa s javnošću i uopće transparentnosti rada kroz pružanje informacija neophodnih za rad drugih institucija.

6.3. AKTIVNOSTI ZA POSTIZANJE POSTAVLJENIH CILJEVA

1. U cilju stvaranja boljeg zakonskog okvira za djelovanje, Tužilaštvo BiH angažovat će se kroz slijedeće aktivnosti:

- kontinuirano pratiti zakonske propise kojima se reguliše rad Tužilaštva i po potrebi inicirati izmjene i dopune istih,

- aktivno sudjelovati kod predlaganja i izmjene zakonskih i drugih propisa kojima se reguliše policijski sistem u Bosni i Hercegovini u cjelini, a pratiti ili se po mogućnosti uključiti u analizu institucionalnog pozicioniranja sudske policije te, izmjene zakona o sudskoj policiji i jasnije određivanje njene uloge u podršci radu Tužilaštva BiH,
- aktivno sudjelovati u procesu uspostavljanja efikasnih mehanizama i procedura za oduzimanje nezakonito stečene koristi, te racionalnog upravljanja i raspolaganja oduzetom imovinom, uključujući aktivno sudjelovanje kod predlaganja i izmjene zakonskih i drugih propisa koji uređuju ovu oblast,
- aktivno sudjelovati u radu raznih radnih grupa, timova i slično za praćenje primjene postojećih propisa u oblasti krivičnog prava, predlaganje njihovih izmjena i dopuna kada se za istim ukaže potreba kao i predlaganje potpuno novih propisa značajnih za regulisanje oblasti krivičnog prava.

2. U cilju otkrivanja i procesuiranja počilaca krivičnih djela iz svoje nadležnosti, Tužilaštvo BiH angažovat će se kroz slijedeće aktivnosti:

- rješavati stare predmete prema utvrđenom planu u kome će se prioritet dati značajnijim predmetima posmatrano sa raznih aspekata
- povećati broj tužilačkih odluka sa akcentom na povećanje broja istraga i optužnica za najteža krivična djela
- i dalje razvijati timski rad, posebno prilikom procesuiranja najtežih krivičnih djela
- nastaviti raditi na implementiranju Državne strategije za rješavanje predmeta ratnih zločina i u okviru toga dalje popunjavati bazu podataka ratnih zločina i aktivno raditi na rješavanju predmeta ekshumacija sa područja cijele BiH, koji su preuzeti Odlukom glavnog tužioca
- imenovati jednu ili više osoba sa eksplicitnom odgovornošću za koordiniranje implementacije Strategije za ratne zločine
- aktivno sudjelovati u kreiranju politike kriminaliteta u Bosni i Hercegovini, između ostalog i kroz sudjelovanje u radu Udarne grupe za borbu protiv trgovine ljudima i organizirane ilegalne imigracije i Udarne grupe za borbu protiv terorizma i jačanja sposobnosti, između ostalog, za borbu protiv organiziranog kriminala, korupcije i terorizma
- i dalje aktivno sudjelovati na unapređenju kreiranja krivične politike Suda Bosne i Hercegovine kroz povećan broj uloženi žalbi, te kreiranja zajedničkih smjernica vezano za sankcije prilikom sklapanja sporazuma, imajući u vidu praksu Suda Bosne i Hercegovine i krivičnu politiku nakon održanih glavnih pretresa, koja će biti osnov za predlaganje sankcija prilikom sklapanja sporazuma.

3. U cilju unapređenja kvaliteta rada i profesionalnosti tužilaca i drugih uposlenika, Tužilaštvo BiH angažovat će se kroz slijedeće aktivnosti:

- kontinuirano primjenjivati visoke profesionalne standarde,
- kontinuirano raditi na edukaciji kroz centre za edukaciju,
- aktivno sudjelovati u kreiranju edukacijskih seminara predlaganjem određenih aktuelnih tema,
- selektivno sudjelovati na seminarima u organizaciji raznih državnih ustanova i institucija, te nevladinih organizacija,
- organizovati interne edukacije,
- dalje raditi na učešću ostalih uposlenih (administrativno osoblje) u edukacijama potrebnih za obavljanje njihovih poslova,
- sudjelovati i dalje u radu radne grupe koja ima za cilj iznaći rješenja za poboljšanja u sistemu ocjenjivanja tužilaca
- stvarati pretpostavke kroz interne akte za razvijanje sistema ocjenjivanja rada drugih uposlenika
- formirati komisiju za edukaciju.

4. U cilju unapređenja saradnje sa agencijama za provođenje zakona, regionalne saradnje i saradnje na međunarodnom planu, Tužilaštvo BiH angažovat će se kroz slijedeće aktivnosti:

- i dalje aktivno sudjelovati u koordinaciji aktivnosti svih agencija za provođenje zakona na teritoriji Bosne i Hercegovine u cilju otkrivanja i suzbijanja najtežih krivičnih djela,
- i dalje u cjelosti primjenjivati usvojene podzakonske akte koji su proizašli iz učešća u projektu "Uspostava boljih mehanizama saradnje između policije i tužilaštava BiH" i dalje ih razvijati i prilagođavati potrebama,
- aktivno sudjelovati u saradnji sa tužilaštvima u zemljama regije i šire primjenom međunarodnih multilateralnih i bilateralnih ugovora o saradnji,
- kontinuirano analizirati rezultate saradnje u sveobuhvatnoj borbi na sprječavanju i suzbijanju kriminala,
- inicirati uspostavljanje novih mehanizama za saradnju uz unapređenje postojećih,
- dalje razvijati saradnju kroz aktivnosti udarne grupe za borbu protiv trgovine ljudima i organizirane ilegalne imigracije, udarne grupe za borbu protiv terorizma i jačanja sposobnosti za borbu protiv terorizma, radne grupe za borbu protiv visoko-tehnološkog (Cyber) kriminala i drugih radnih grupa koje se bave problemima iz oblasti kriminaliteta,

- nastaviti učešće u radnoj grupi za monitoring odluke o bezviznom režimu za građane u BiH u Evropsku uniju,
- nastaviti učešće u tužilačkim asocijacijama Evrope i regije (SEEPAG, SECI, CPGE, EUROJUST, EUROPOL i druge).

5. U cilju unapređenja u kadrovskom i organizacionom smislu, Tužilaštvo BiH angažovat će se kroz slijedeće aktivnosti:

- razvijati bolje korištenje stvorenih kapaciteta u organizacionom smislu sa ciljem unapređenja rada,
- primjenjivati novi Pravilnik o unutrašnjoj organizaciji,
- usaglasiti interne pravilnike o unutrašnjoj organizaciji tužilačkih odjela sa novim pravilnikom o unutrašnjoj organizaciji TBiH,
- kontinuirano pratiti zakonske propise kojima se reguliše rad Tužilaštva i usklađivati interne akte sa izmjenama i dopunama istih,
- donijeti nove i raditi na potrebnim izmjenama i dopunama postojećih internih akata kojima se reguliše rad Tužilaštva,
- preduzimati aktivnosti na povećanju sistematizacije tužilaca od strane nadležnog Visokog sudskog i tužilačkog vijeća pripremanjem adekvatnih argumenata za donošenje takve odluke i shodno važećim propisima i uputama nadležnih institucija, ukoliko je to u skladu sa istim, nastaviti kadrovsko popunjavanje,
- i dalje unaprijediti koordinacije u radu svih odjela Tužilaštva uz konstantne napore usmjerene ka povećanju motivisanosti svih uposlenih u obavljanju svojih poslova,
- unutar tužilaštva razvijati mehanizme upravljanja ljudskim resursima,
- kroz menadžment tužilaštva upravljati promjenama,
- pored komisije za edukaciju, formirati i neke druge komisije ukoliko se za postojanjem istih ukaže potreba.

6. U cilju osiguranja materijalno-finansijskih uslova za nesmetan rad, Tužilaštvo BiH angažovat će se kroz slijedeće aktivnosti:

- planirati materijalna i finansijska sredstva za nesmetan rad Tužilaštva u okviru zakonom propisanih nadležnosti i postavljenih ciljeva razvijajući dalje pravila programskog planiranja,
- u granicama svojih mogućnosti preduzimati aktivnosti u cilju osiguranja potrebnih materijalnih i finansijskih sredstava za nesmetan rad Tužilaštva,

- aktivno sudjelovati sa drugim nadležnim institucijama u osiguranju povećanja prostornih kapaciteta.

7. U cilju uvođenja i primjene novih tehnoloških dostignuća, Tužilaštvo BiH angažovat će se kroz slijedeće aktivnosti:

- inicirati poboljšanje i prilagođavanje sistema za automatsku obradu i upravljanje predmetima kako bi bila postignuta svrha uvođenja istog, odnosno poboljšanje efikasnosti i ekonomičnosti u radu,
- dalje primjenjivati i razvijati pravila i procedure u vezi sa korištenjem IT tehnologija, koristiti internet i elektronsku poštu u svakodnevnom radu u cilju unapređenja protoka informacija,
- razvijati sistem elektronskog pohranjivanja i čuvanja dokaza i drugih materijala u krivičnom postupku,
- koristiti analitički software-a za analizu dokaza i drugih materijala, te izradu analitičkih i kriminalističko-obavještajnih izvještaja.

8. U cilju unapređenja odnosa s javnošću i uopće transparentnosti rada kroz pružanje informacija neophodnih za rad drugih institucija, Tužilaštvo BiH angažovat će se kroz slijedeće aktivnosti:


- podizati svijest javnosti putem sredstava javnog informisanja o ulozi i nadležnostima Tužilaštva,
- podizati svijest javnosti o načinima na koji oni mogu doprinijeti efikasnijem radu Tužilaštva BiH,
- nastaviti redovno izvještavati o postignutim rezultatima u radu i stanju kriminaliteta,
- iznalaziti jednostavnije načine pristupa javnim dokumentima i informacijama u posjedu Tužilaštva, a naročito putem Internet stranice Tužilaštva,
- unapređivati saradnju sa sredstvima javnog informisanja preko Odjela za odnose s javnošću i saradnju ostalih odjela Tužilaštva sa Odjelom za odnose s javnošću radi pružanja što kvalitetnije informacije,
- poboljšati saradnju između Odjela za odnose s javnošću policijskih i pravosudnih institucija u Bosni i Hercegovini radi kvalitetnije koordinacije i pružanja informacija prilikom zajedničkih akcija,
- nastaviti sa aktivnim angažovanjem na pojašnjavanju problema u oblasti kriminaliteta, u cilju bolje percepcije javnosti o ulozi i radu Tužilaštva BiH, te problemima sa kojima se susreće Tužilaštvo BiH u otkrivanju i krivičnom gonjenju počinitelja krivičnih djela iz nadležnosti Suda Bosne i Hercegovine,
- nastaviti educirati građane putem medija, predavanja i slično o njihovim pravima u ovoj oblasti,
- redovno pratiti javno mnijenje i analizirati rezultate preduzetih aktivnosti, u granicama postavljenim važećim propisima, nastaviti drugim institucijama omogućavati pristup informacijama koje su im potrebne za njihov rad.

7. STANJE KRIMINALITETA U BOSNI I HERCEGOVINI

U daljem dijelu informacije mogu se vidjeti prikazi stanja kriminaliteta u Bosni i Hercegovini:


1. Stanje kriminaliteta u Tužilaštvu Bosne i Hercegovine za 2010. godinu

Vrsta predmeta	Zaprimljene prijave		Naređene istrage		Podignute optužnice		Podignute optužnice sa kriv. nalogom		Donesene presude	
	Predmeti	Osobe	Predmeti	Osobe	Predmeti	Osobe	Predmeti	Osobe	Predmeti	Osobe
Privredni kriminal	271	569	168	328	106	141	19	22	106	159
Ratni zločin	87	322	72	154	29	45	0	0	15	23
Opći kriminal	237	768	153	351	120	239	32	32	112	190




2. Stanje kriminaliteta u kantonalnim tužilaštvima Federacije BiH za 2010. godinu

Zaprimljene prijave		Naređene istrage		Podignute optužnice		Podignute optužnice sa kriv. nalogom		Donesene presude	
Predmeti	Osobe	Predmeti	Osobe	Predmeti	Osobe	Predmeti	Osobe	Predmeti	Osobe
14430	19554	11702	15115	10209	12936	4141	4846	9580	12047




3. Stanje kriminaliteta u okružnim tužilaštvima Republike Srpske za 2010. godinu

Vrsta predmeta	Zaprimljene prijave		Naređene istrage		Podignute optužnice		Podignute optužnice sa kriv. nalogom		Donesene presude	
	Predmeti	Osobe	Predmeti	Osobe	Predmeti	Osobe	Predmeti	Osobe	Predmeti	Osobe
Privredni kriminal	1150	2015	388	592	297	450	56	81	277	369
Ratni zločin	77	917	52	549	14	19	0	0	2	3
Opći kriminal	10637	14374	5767	6806	4619	5596	1817	2386	4404	5415



4. Stanje kriminaliteta u Javnom tužilaštvu Brčko Distrikt za 2010. godinu

Vrsta predmeta	Zaprimljene prijave		Naređene istrage		Podignute optužnice		Podignute optužnice sa kaz. nalogom		Donesene presude	
	Predmeti	Osobe	Predmeti	Osobe	Predmeti	Osobe	Predmeti	Osobe	Predmeti	Osobe
Privredni kriminal	28	55	33	42	8	11	0	0	11	13
Ratni zločin	5	7	5	7	3	7	0	0	1	1
Opći kriminal	533	767	563	720	458	547	149	156	413	494



5. Stanje kriminaliteta u svim tužilaštvima u Bosni i Hercegovini, poređenje 2006-2007-2008-2009-2010.

Godina	Zaprimljene prijave	Naređene istrage	Podignute optužnice	Podignute optužnice sa krivičnim nalogom	Presude
2006.	35460	26085	23332	6762	20740
2007.	35816	28305	21626	9941	19507
2008.	33410	28183	21130	9484	18418
2009.	32682	25185	16188	8226	19303
2010.	39348	24664	19991	7523	18714

